

浙通志 卷七十三

藝文十三



			二	漢
		九	三五	書
	二	一	二	類
冊	架	函	號	

				內
		二	三	漢
	九	一	五	書
函	一	二	二	類
架	一	〇	三	

內閣文庫	
番號	漢 2352
冊數	120 (115)
函號	292 48



勅修浙江通志卷二百七十一

藝文 十三

詩 五言古

淺草文庫

遊赤石進帆海

宋 謝靈運



首夏猶清和芳草亦未歇
水宿淹晨暮陰霞屢興沒
周覽倦瀛壖況乃凌窮髮
川后時安流天吳靜不發
揚帆采石華挂席拾海月
溟漲無端倪虛舟有超越
仲連輕齊組子牟戀魏闕
矜名道不足適已物可忽
請附仕公言終然謝

天伐

於南山往北山經湖中瞻眺

宋 謝靈運

朝旦發陽崖景落憇陰峯舍身眺迥渚停策倚茂松側徑
既窈窕環洲亦玲瓏俛眎喬木杪仰聆大壑瀦石橫水分
流林密蹊絕踪解作竟何感升長亦丰容初篁苞綠籜新
蒲含紫茸海鷗戲春岸天雞弄和風撫化心無厭覽物谷
彌重不惜去人遠但恨莫與同孤遊非情歎賞廢理難通

發歸瀨三瀑布望兩溪

宋 謝靈運

我行乘日垂放舟候月圓泳江免風濤涉情弄漪漣積石
竦兩溪飛泉倒三山亦既窮登陟荒靄橫目前窺巖不睹
景披林豈見天湯鳥倘傾翰幽篁未爲邈退尋平常時
知巢穴難風雨非攸恡擁志誰與宣倘有同技條此口

十年

永嘉郡東望溟海

宋 謝靈運

開春獻初歲白日出悠悠蕩志將愉樂瞰海庶忘憂策馬
步蘭皋縹控息椒邱采蕙遵大薄攀若履長洲白花皜陽
林紫囂羣春流非徒不弭忘覽物情彌適登蘇始無慰寂
寞終可求

初去永嘉郡

宋 謝靈運

彭薛裁知耻貢公未遑敘或可優食就豈足稱達生伊予
秉微尚拙訥謝浮名應園當構巖岸位代躬耕顧已雖自
許心迹猶未并無庸方州任有疾象長卿畢娶類尚子薄

卷二十一
遊似邴生恭承古人意促裝返紫荆牽絲及元興解龜在
景平負心二十載於今廢將迎理棹過還期遵渚鴛修桐
溯溪終水涉登嶺始山行野曠沙岸淨天高秋月明憇石
挹飛泉攀林羣落英戰勝驪者肥鑿止流歸停卽是羲唐
化獲我擊壤情

吳興黃浦亭庾郎中別

宋 鮑 照

風起洲渚亂雲上日無輝連山渺烟霧長波迴難依旅鴈
方南通浮客未西歸已經江海別復與親僮違奔景易以
窮離袖安可揮懼觴爲悲酌歌服成泣衣温念終不渝藻
志遠存追役人多牽滯顧路慙奮飛昧心附遠翰炯言藏

佩章

自礪山東望震澤

宋 鮑 照

瀾漫潭洞波合杳嶢嶂雲漲鳥遠不測岡澗近難分幽篁
愁暮見思鳥傷夕聞以此藉沉疴栖跡別人羣結言非盡
書有念豈敷文

從庾郎中園山石室

宋 鮑 照

荒塗趨山楹層崖隱窅窅洞瀾紛縈抱林嶂杳重密昏昏
磴路深活活梁水疾幽隅秉晝燭地塘鏡朝日怪石似龍
章瑕壁麗錦質洞庭安可窺漏井終不溢沉空絕景聲崩
危坐驚慄神化豈有方妙象竟無述至哉鍊玉人處此長

白華

贈吳均

梁柳惲

寒雲晦滄洲奔潮溢南浦相思白露亭永望秋風渚心知
別路長不謂若燕楚關候日遼絕何因附行旅願作野飛
鳥飄然自輕舉

迎柳吳興道中

梁吳均

圓圓日西靡客念已蹉跎長風倒危葉輕練網寒波白雲
光采麗青山意氣多所言飽恩德忘我北山羅

同柳吳興鳥亭集送柳舍人

梁吳均

河陽一帳望南浦送將歸雲山離曉曖花

及舌弄下上渚禽飛桂舟無掩柂玉軫有離徽願君
在時拂東臯被

同柳吳興何山

梁吳均

王孫重離別置酒懨峯巖逶迤川上草參差澗裏薇輕雲
初遠岫細雨沐山衣簷端水禽息窻上野鶯飛君隨綠波
遠我逐清風歸

采藥大布山

梁吳均

我本此山北緣澗采山麻九葉日滋煎三葉長生花可以
蠲憂疾聊持駐景斜景斜不可留年未采如瀝安得崑崙
山偃蹇樹三株三株樹如芝絳葉凌朱臺玉壺白鳳肺金

鼎青龍胎韓終及王子何代無仙才安期儻欲顧相見在
蓬萊

別夏侯故郡

梁 吳均

白馬黃金羈青驪紫絲控新知關山別故人河梁送置此
一函書爲予達雲夢

富陽浦日和朗上人

梁 何遜

客心愁日暮徙倚空望歸山烟斂樹色江水映霞輝獨鶴
凌空逝雙鳧出浪飛故鄉千餘里茲夕寒無衣

上虞鄉亭觀濤

梁 劉孝綽

昔予筮賓始衣冠仕洛陽無貲祇有任一命忝爲

仙側三人崇賢坊東朝禮髦俊虛薄庸賢良建言不
理擲管制文章引籍陪下膳橫經忝上座誰謂服事淺契
澗變炎涼一朝謬爲吏結綬去承光烹鮮徒可習治民終
未長化雞仰季智馴雉推仲康此城臨夏穴櫛植茂筠篁
孝碑黃絹女神濤白鷺翔遊遊佳可望釋事上川梁秋江
凍雨絕返景照移塘織羅殊未動駭水忽如湯乍出連地
合時如高蓋張漂沙黃沫聚碧石素波揚
子詎能航離家復臨水眷言思故鄉中求
人腸泝洞若無阻謝病返清漳

入若耶溪

梁 王籍

除龍何汎汎空水共悠悠陰霞生遠岫陽景逐回流蟬噪
林逾靜鳥鳴山更幽此地動歸念長年悲倦遊

登天台山

梁 李巨仁

台山稱地鎮千仞上凌霄雲開金闕迴霧暗石梁遙翠微
橫鳥道珠澗入星橋風急清溪晚霞起赤城朝寓目幽棲
地駕言逸綺季避世桃源士忘情漆園吏抽簪傲九辟脫
屣輕千馴沈冥負俗心瀟灑凌雲意蒼蒼聳極天伏眺
山川疊峯如積浪分崖若斷烟淺深聞過渡輕重
採藥逢三鳥尋真值九仙藏書几幾代看博
追羽客千載一來旋

黃蘗洞

梁 江淹

長望竟何極闕雲迎越邊南州饒竒怪赤縣多雲仙金峯
各蔽日銅石共臨天陽岫照鸞采陰谿噴龍泉殘磯十代
木膚峯舊古烟禽鳴丹壁上猿嘯青崖間秦皇慕隱淪漢
武願長年昔負雄豪威棄劍藏名山況我葵藿志松木橫
眼前所願同游好臨風載悠然

罷古鄣縣

陳 陰人鏗

秩滿三秋暮舟虛一水濱漫漫遊故道悽悽對別津晨風
下散葉岐路起飛塵長岑舊知遠萊蕪本自貧被裏恒容
吏正朝不繫民惟當有一續留持贈後人

浣紗篇贈陸上人

唐
宋之問

越女顏如花越王聞浣紗國微不自寵獻作吳宮娃山菝
半潛匿苧蘿更蒙遮一行霸句踐再笑傾夫差艷色奪人
日數嚙亦相誇一朝還舊都靚粧尋若耶鳥鷺入松網魚
畏沉荷花始覺冶容妄方悟羣心邪欽子秉幽意世人共
稱嗟願言托君懷倘類邊生麻家住雷門曲高閣凌飛霞
淋漓翠羽帳旖旎綠雲車春風艷楚舞秋月纏胡笳自昔
專嬌愛襲玩惟矜奢達本知空寂棄彼猶泥沙永割偏華
性自長薰修芽攜妾不障道來止妾西家

景龍四年春祠洵

唐
宋之問

春溟宵齋洗塵慮鷄鳴見日出鷺下驚濤驚地淵
天回百川澗筵端接空曲日外惟雰霧暖氣物象
遊晦明互致牲匪元享禋滌期靈煦的的波際禽云
間樹安期今何在方丈蔑尋路仙事與世隔冥搜徒
四明背羣山遺老莫辨處撫中良自慨弱齡忝恩遇
人文史林兩拜神仙署雖嘆出關遠始知臨海趣賞來
日多理勝孰能喻留楫竟何待徒倚忽云暮

宿雲門寺

唐
宋之問

門若邪裏泛鷁路纔通黃綠篠岸遂得青蓮宮天香
空滿夜梵前山空漾漾潭際月颯颯杉上風茲焉多嘉

新上通志

卷三十三 藝文十三

七

子今莫同鳳歸慨處士鹿化聞仙公樵路鄭州北舉
巖東永夜豈云寐曙華忽葱龍谷鳥轉尚澁源桃驚
紅再來期春暮當造林端窮庶幾蹤謝客開山投剡中

邵宅中齋

唐宋之間

邵宅枕層嶺春湖繞芳甸雲霞出萬家臥覽皆已徧漁商
汗成雨解邑明若練越俗鏡中行夏祠雲表見茲都洵盤
鬱英遠常棲眇王子事黃老獨樂恣遊行謝公念蒼生回
憂感推薦靈越多秀士運澗無由而神理醫青山風流滿
黃卷嗟予謬承獎自昔從纓弁瑤水執仙鶴金馬鳴
晨趨博望苑夜直明光殿一朝罷臺閣萬里違

足慰心况悅年芳變淮虞佇滋實沂歌非所羨訟寢歸四
明齡頽親九轉微尚本江海少留豈交戰惟餘後凋色竊
比東南箭

登東陽沈隱侯八詠樓

唐崔融

且登西北樓樓峻石墉厚宛生長定嵐俯歷三江口排堦
銜鳥衡交疏過牛斗左右會稽鎮出入具區數越巖森其
前浙江漫其後此地實東陽由來山水鄉隱侯有遺詠落
簡尚餘芳具物昔未改斯人今已亡粵余忝藩左東墜事
文場悵不見夫子神期遙相望

夜泊越州逢北使

唐沈佺期

天地降雷雨放逐還故都重以風潮事年月戒回艫客顏
荒外老心想域中愚憇泊在茲夜炎雲逐斗樞巖巖紫海
若霹靂歌天吳驚拆羣鳥失鯨吞衆流輪偶逢京華使握
手淚相濡饑共嗜齊棗眠共席秦蒲既北思攸濟將南睿
所圖往來同無咎何忽憚前楫

嚴陵祠

唐 洪子輿

漢王召子陵歸宿洛陽殿客星今安在隱迹猶可見水石
空潺湲松篁尚葱蒨岸深翠陰合川迴白雲徧幽徑滋蕪
沒荒祠霖霖霰垂釣想遺芳撥蘋羞野薦高風激終古
理忘榮賤方驗道可尊山林情不變

和登會稽山

唐 孫 逖

稽山碧湖上勢入東溟近烟景畫清明九峯爭隱嶙望中
厭朱綬俗內探元牝野老聽鳴騶山童擁行軫仙花寒未
落古蔓柔堪引竹磻入山多松崖向天迴雲從海天去日
就江村慣能賦邱嘗聞和歌參不飲真徒信沖漠多士期
標準願奉濯纓心長謠反招隱

送楊法曹按牀州

唐 孫 逖

東海天台山南方縉雲驛溪澄問吏隱巖險煩登陟潭壑
隨星使軒車繞春色儻尋琪樹人爲報長相憶

杭州北郭戴氏荷池送侯愉

唐 崔國輔

秋近萬物肅況當臨水時折花贈歸客離緒斷荷絲誰謂
江國永故人感在茲道存過北郭情極望東菑喬木故國
意鳴蟬窮巷悲扁舟竟何待中路每遲遲

送縉雲苗太守

唐王維

手疏謝明主腰章爲長吏方從會稽邸更發汝南騎按節
下松陽清江響鏡吹露冕見三吳方知百城貴

泛若耶溪

唐邱爲

結廬若耶溪左右若耶水無日不釣魚有時向水宿
水流急渡口水流寬每得樵風便行來不覺入
綠四時那得辨短褐衣妻兒餘糧及雞犬

子呼牛歸住處無鄰里柴門獨掩扉

酬綦母校書夢耶溪見贈之作

唐儲光羲

校文在仙掖每有滄洲心況以北窗下夢遊清溪陰春看
湖水漫夜入迴塘深往往纜垂葛出舟望前林山人松下
飯釣客蘆中吟小隱何足貴長年固可尋還車首束帶
言若黃金以我採薇意傳之天姥吟

送歐陽會稽之任

唐王昌齡

懷祿貴心賞東流山水長官移會稽郡地邇上虞鄉緩帶
屏紛雜漁舟臨訟堂逶迤迴溪趣猿嘯飛鳥行萬室霽朝
雨千峰迎夕陽輝輝遠洲曉曉澄湖光白髮有高士

奉勅上皇應須枉車轍爲我訪荷裳

宿天竺寺

唐 綦 綦

松柏亂巖口
幽微徑迴
夫開一峰見
宮闕生虛空
正殿倚霞壁
千樓標石叢
夜來猿鳥靜
鐘梵響雲中
岑翠映
月泉聲亂
溪風心超
諸境外
子與懸解
同明發
惟改視朝
日長崖東
湖色濃
蕩漾
漾海光
漸曠
眺葛仙
跡尚在
許氏道
猶崇
得往古
來事
幽懷
期二公

遊天竺寺

唐 崔 顥

晨登天竺山
山殿朝陽
曠厓泉爭噴
薄江岫相
縈繞
上孤頂
高平看
衆峰
小南州
十二月
地暖
冰雪少
青

山前蘿覆冬
沼花龕
瀑布側
青壓石
林杪
鳴鐘
集人
天苑

舒謝猿鳥
洗意歸
清淨
澄心
悟凡
了始知
世上
人萬物
一

何擾

謝陸處士杼山折青桂花見寄之作

唐 顏真卿

羣子遊杼山
山寒桂花
白綠萼
含素萼
采折自
逋客
忽枉巖中
詩芳香
潤金石
全高南
越蠹豈
謝東堂
策會愜
名山期
從君恣
幽觀

贈僧皎然

唐 顏真卿

秋意西山多
別岑縈
左次繕
亭歷三
癸趾趾
鄰什寺
元化
息靈跡
始君啟
高致誅
榛養翹
楚鞭草
埋芳穗
俯砌披
水

道天掃峰翠境新耳目換物遠風塵異倚石忘世情援
真意嘉林幸勿翦禪侶欣可庇衛法大臣過佐遊羣
英萃龍池護清激虎節到深遠徒想唳頂期于今沒遺記

登江中孤嶼贈白雲先生王迴

唐 孟浩然

悠悠清江水水落沙嶼出回潭石下深綠篠岸旁密鮫人
潛不見漁父歌自逸憶與君別時泛舟如昨日夕陽開返
照中坐與非一南望鹿門山歸來恨如失

將適天台留別臨安李主簿

唐 孟浩然

枳棘君尚棲匏瓜吾豈繫念難當夏首漂泊未定
非墮游田園失歸計定山旣早發漁浦

灑灑任艤柁故林日已遠林木坐成翳羽人在丹邱
亦從此逝

早發漁浦潭

唐 孟浩然

東旭早光芒渚禽已驚聒臥聞漁浦口橈聲暗相撥日出
氣象分始知江湖濶美人常宴起照影弄流沫飲水畏驚
猿祭魚時見獺舟行自無悶况值晴景豁

經七里灘

唐 孟浩然

子奉垂堂誠千金非所輕為多山水樂煩作泛舟行五嶽
追向子三湘弔屈平湖經洞庭瀟江入新安清復聞嚴陵
瀨乃在茲湍路尋峭壁數百里滄淵非一起彩翠相氛氳別

流亂奔注釣磯不可坐苔磴漸難步猿飲石下潭鳥還日
邊樹觀奇恨來晚倚權惜將暮揮手弄潺湲從茲洗塵慮
雲門寺西六七里聞符公蘭若最幽與薛八同行

唐孟浩然

謂余獨迷方達子亦在野結交指松柏問法尋蘭若小溪
劣容舟怪石屢驚馬所居最幽絕所住皆靜者雲簇與座
隅天空落堦上下人亦何聞塵念都已捨四禪合真如一
切是虛假願承甘露潤喜得申風灑依止託山門誰能效
邱也

越中逢天台太乙子

唐孟浩然

仙穴逢羽人停鱸向前拜問余涉風水何處遠行過登
尋天台順流下吳會茲山夙所尚安得問靈怪上過青天
高俯臨滄海大雞鳴見日出常覩仙人旆往來赤城中道
遙白雲外薜苔異人間瀑布當空界福庭長自然華頂舊
稱最永此從之遊何當濟所屆

送崔十二遊天竺寺

唐李白

還聞天竺寺夢想憶東越每年海樹霜桂子落秋月送君
遊此地已屬流芳歇待我來歲行相隨浮演劫

同友人舟行遊台越作

唐李白

楚臣傷江楓謝客拾海月懷沙去瀟湘挂席泛演渤蹇予

前跡獨往造窮處
人不可攀去若浮雲沒願言弄劍
在此鍊真骨華頂窺絕頂蓬壺望
超忽不知青春度但
祿芳歇空持釣鰲心從此謝魏闕

天台曉望

唐李白

天台鄰四明華頂高百越
門標赤城霞樓栖蒼島月憑高
登遠覽直下見溟渤雲垂大鵬
翮波動巨鰲沒風潮真洶湧
神怪何翕忽觀竒跡無倪好道
心不歇攀條摘未嘗服
藥鍊金骨安得生羽毛千春臥
蓬闕

越中秋曙

越水遶碧山周迴數千里乃是天鏡中

從真搜永懷臨湍遊一爲滄波客
十見紅蕖秋觀濤壯天險望海令人
愁路遐迫西照歲時悲東流何必探
禹穴遊將歸蓬邱不然五湖上亦可
乘扁舟

寶林寺作

唐徐浩

茲山昔飛來遠自瑯琊臺孤岫龜形
在深泉鰓井開越王屢登陟何相傳
詞才塔廟崇其巔規模稱壯哉禪堂清
澗香高閣無妖矣照耀珠吐月鏗轟
鐘隱雷子久纓弁末路遭遼迴一棄滄
海曲六年稽嶺隈近川漉東駛馳景憐
西頰腰帶愁疾減容顏衰悴催頽居慈
寺中法士多瓌能洗心聽經禮足彌凶
災永願依勝侶清江乘波杯

謁禹廟

唐徐浩

畝澮敷四海川源滌九州既膺九命錫乃建洪範時鼎革
周天啟運興非人謀肇開宅土業永庇昏墊憂山足靈廟
在門前清鏡流象筵陳玉帛容衛儼戈矛探穴圖書朽卑
官堂殿修梅梁今不壞松祏古仍留負責故鄉近揚來申
俎羞爲魚知造化嘆鳳仰徽猷不復聞夏樂惟餘奏楚幽
婆娑非舞羽鐘磬異鳴球盛德吾無間高功誰與儔災淫
被凶慝助聖擁神休出谷鸞初語空山猿獨愁春暉生草
樹柳色暖汀洲恩貸題輿重榮殊衣錦遊宦情同械繫生
理任桴浮地極臨滄海天遙過斗牛精誠如何諒他日

冥搜

有懷台州司戶鄭十八虔

唐杜甫

天台隔三江風浪無晨暮鄭公縱得歸老病不識路昔如
水上鷗今如罟中兔性命由他人悲辛纏狂顧山鬼獨一
脚蝮蛇長如樹呼號傍孤城歲月誰與度從來樂魑魅多
爲才名誤夫子藉阮流更被時俗惡每聞微小吏眼暗髮
垂素黃帽映青袍非俱拼腰其平生一杯酒見我古人遇
相望無所成乾坤莽回互

東陽郡齋中詣南山招韋十

唐錢起

齊來海半山隱映城上起中峰落照時殘雪翠微裏同心

久為別孤興那對此良會何遲遲清揚瞻則邇

西陵口觀海 唐 薛據

長江漫湯湯近海勢彌廣在昔胚渾凝融為百川決地形
失端倪天色渾混漾東南際萬里極目遠無象山影乍浮
沉潮波忽來往孤帆或不見權歌猶想像日暮長風起客
心空振蕩浦口霞未收潭心月初上林嶼幾遭迴亭臯時
偃仰歲時方定歲時游非外獎

嚴公約遊作 唐 顧況

靈芝產起方成鳳家重霄飛生何耿潔託志
雖則貴子陵不知高據靴當世道長揖變

人升降不同朝拾舟逐長在山谷多清蹊

酬房杭州 唐 顧況

郡樓何其曠亭亭廣而深故人收餘杭留我披胸襟滿篋
閱新作璧玉誕清音流水入洞天窅欲凌臨關險延北
阜雍道陟南岑朝從山寺還醒醉動笑吟荷花十餘里月
色攢湖林父老惜使君却欲速華簪

嚴陵灘下寄常建 唐 賈島

日入溪水靜尋真此亦難乃知滄洲人道成仍釣竿漾
乘微月振衣生早寒紛吾成獨往白昔耽考槃已息漢陰
請且同濠上觀曠然心無涯誰問容膝安



奉使過石門觀瀑

并序

唐 邱 丹

謝康樂宋景平中為永嘉守有宿石門巖上詩余六代
叔祖梁中書侍郎天監中有過石門瀑布詩後亦為此
郡小子大曆中奉使竊有繼作雖不足克紹祖德追蹤
昔賢蓋造奇懷感之志也

溪上望懸泉耿耿雲中見披榛上巖岫峭壁正東面千仞
瀉聯珠一潭噴飛霰嗒深滿山響坐覺炎氛變照日頽虹
霓從風似綉練靈竒既天造惜處窮海甸吾祖昔登臨謝
公亦遊衍王程懼淹泊下磴空延眷千里雷尙聞巒迴樹
葱蒨此來共賤役探討愧前彥永欲洗塵纓終當憺此

灑柯山三首

迴

白雲引策杖苔徑誰往還漸見松樹偃時聞鳥聲開豁然
墮氛盡獨對萬重山
石橋架絕壑蒼翠橫鳥道憑檻雲脚下頽陽日猶蚤霓裳
倘一遇可長不老

繩牀宴坐久石窟絕行跡能在人代中遂將人代隔白雲
風颺飛非欲待歸客

游灑柯山四首

唐 李幼卿

拂霧理孤策薄霄眺層岑迴升烟霧外豁見天地心物象
不可及遲回空詠吟

東坡詩集卷之三十一
巨石何崔嵬橫橋架山頂傍通日月過仰望虹霓覺迴聖者
閒津梁誰能度茲嶺

二仙自圍碁偶與樵夫會仙家異人代俄頃千年外笙鶴
何時還儀形尙相對

石室過雲外二僧儼禪寂不語對空山無心向來客作禮
未及終忘循舊形跡

游爛柯山四首

唐李益

尋源路不迷絕頂與雲齊坐引羣峰小平看萬木低雙林
春色上正有子規啼

嵌空橫洞天磅礴倚崖巘宛如虹勢出可賞不可轉真興
得津梁抽簪永游衍

羽客無姓名仙碁但聞見行看負薪客坐使桑田變懷古
正怡然前山早鶯囀

稽首期發蒙吾師豈無說安禪卽方丈演法皆寂滅鳴磬
雨花香齋堂飯松屑

游爛柯山三首

唐羊滔

步登春巖裏更上最遠山聊見宇宙澗遂令身世閒清輝
賞不盡高駕何時還

石梁聳千尺高盼出林嶺亘壑躡丹虹排雲弄清影路期
訪道客游衍空井井

沙門何處人攜手俱滅跡深入不動境乃知真圓寂有時
歸羅浮白日見飛錫

游爛柯山三首

唐薛戎

登巖已寂歷絕頂更岿巖響像如天近窺臨與世遙悠然
暢心日萬慮一時銷

聖游本無跡留此示津梁架險知何適遺名但不忘只今
成佛宇化度果難量

三仙行自適日月徒遷徙不語寄手談無心引樵子蒙分
一丸藥相偶窮年祀

游爛柯山三首

唐謝勣

獨凌清景出不視衆山中雲日遙相對川原無不通自致
高標未何心待馭風

仙奕示樵夫能言忘歸路因看斧柯爛孫子髮已素孰云
遺跡久舉意如旦暮

仙僧會真要應物常淵默惟將無住理轉與信人說月影
清江中可觀不可得

早發杭州泛富春江寄陸三十一公佐

唐權德輿

候曉起徒馭春江多好風白波連青雲蕩漾晨光中四望
浩無際沈憂將此同未離奔走途但恐成悲翁俯見觸餌

麟仰日凌霄鴻纓塵日已厚心累何時空區區此人世所
向皆樊籠惟應杯中物醒醉爲窮通故人懸圃姿瓊樹紛
青蔥終當從此去共結蘭桂叢

嚴陵釣臺下作

唐 權德輿

絕頂聳蒼翠清湍石磷磷先生晦其中天子不得臣心靈
棲顛氣纓冕猶緇塵不樂禁中臥却歸江上春潛驅東漢
風日使薄者醇焉用佐天子持此報故人知大賢心不
獨私其身弛張有深致耕釣陶天真奈何清風後擾擾論
屈伸交情同市道利欲相紛綸我行訪遺臺仰古懷遠民
矰繳鴻鵠遠雪霜松桂新江流去不窮山色凌秋晏人世
自今古清輝照無垠

越中山水

唐 孟郊

日覺耳目勝我來山水州蓬瀛若髣髴田野如泛浮碧嶂
幾千遶清泉萬餘流莫窮合杳步孰盡派別遊越水淨難
污越天陰易收氣鮮無隱物目視遠更周舉俗媚愈蒨連
冬擷芳柔菱湖有餘翠茗圃無荒疇賞異忽已遠探竒誠
淹留永言終南色去矣銷人憂

桐廬山中贈李明府

唐 孟郊

靜境無濁氛清雨零碧雲千山不隱響一葉動亦聞卽此
佳志士精微誰相羣欲識楚章句袖中蘭茝薰

送超上人歸天台

唐孟郊

天台山最高動躡赤城霞何以靜雙目掃山除妄花何以
潔其性瀟泉去泥沙靈境物皆直萬松無一斜月中見心
近雲外將俗賒山獸護方丈山猿捧袈裟遺身獨得身笑
我牽名華

代杭人作使君一朝去二首

唐元稹

使君一朝去遺愛在人口惠化境內春才名天下首為問
龔黃輩兼能作詩否
使君一朝去斷腸如剉檠無復見水壺惟應鏤金石自此
一州人生男盡名白

郡中即事

白居易

漫漫潮初平熙熙春日空濶遠江山晴明好天氣外有
適意物中無繫心事數篇對竹吟一杯望雲醉行攜杖扶
力臥讀書取睡久養病形骸深諳閒氣味遙思九城陌擾
擾趨名利今朝是雙日朝謁多軒騎寵者防悔尤權者懷
憂畏為報高車蓋恐非真富貴

嚴十八郎中在郡日改制東南樓因名清輝未立標

勝徵歸郎署予既到郡性愛樓居宴遊其間頗有

幽致聊成十韻兼戲寄嚴

唐白居易

嚴郎置茲樓立名曰清輝未及署花榜遠徵還粉闥去來

三四年塵土
名稀谷春新
太守歸歸
施簾幃院柳煙
婀娜花雪霏
微看山倚前
戶待月關東
扉碧窗裏瑤
瑟朱闌飄舞
衣燒香卷幕
坐風燕雙雙
飛君作不得
住我來幸因
依始知天地
間靈境有所
歸

三年爲刺史二首

唐白居易

三年爲刺史無政在人口
唯向郡城中題詩十餘首
慙非甘棠詠豈有思人不
三年爲刺史飲水復食蘗
唯向天竺山取得兩片石
此抵有千金無乃傷清白

天竺寺七葉堂避暑

唐白居易

鬱鬱復鬱鬱伏熱何時畢
行入七葉堂煩暑隨步失
簷雨稍霏微窗風正蕭瑟
清宵一覺睡可以銷百疾

題天竺南院贈閑元旻清上人

唐白居易

雜芳澗草合繁綠巖樹新
山深景候晚四月有餘春
竹寺過微雨石迳無纖塵
白衣一居士方袍四道人
地是佛國土人非俗交
新城中山下別相送亦殷
勤

越女詞

唐鮑溶

越女芙蓉妝浣紗清淺水
忽驚春心晚不敢思君子
君子縱我思寧來浣溪裏

宿吳興道中菘村

唐鮑溶

浮客倦長道秋深夜如年久行惜日月常起雞鳴前夕計
 今日程息車在茗川霜中水南寺金磬泠泠然疇昔此林
 下歸心巢頂禪身依寤昏寐智月生虛圓羈旅違我程去
 留難雙全觀身話往事如夢遊青天明發止賓從寄聲琴
 上弦聊書越人意此曲名思仙

聞韋駙馬使君遷拜台州

唐鮑溶

溟瀋軫帝愛見說初鳴騶德勝禍先戢情閒思自澆蠶股
 桑柘空慶實雀鼠稠諫虎昔賜駿安人將問牛曾陪後乘
 光共逐平津遊旌旆擁追賞歌鐘催獻酬音徽一寂寥貴
 賤雙沉浮北郭之中產東方稱上頭躋山望百城日盡增
 遐愁海逼日月近天高星漢秋無階異漸鴻有志慙馴鷗
 終期促孤權暫訪天台幽

游天台山

唐張祜

崔嵬海西鎮靈跡傳萬古羣峰日來朝累累孫侍祖三茅
 即拳石二室猶塊土傍洞窟神仙中巖宅龍虎名從乾取
 象位與坤作輔鸞鶴自相羣前人空若瞽嚙嚙割秋碧媧
 女徒巧補視聽出塵埃處高心漸苦纔登招手石肘底笑
 天姥仰看華蓋尖赤日雲上午奔雷撼深谷下見山脚雨
 回首望四明轟若城一堵昏晨邈千態恐動非自主控鶴
 大夢中坐覺身詡詡東溟子時月却孕元化母彭蠡不盈

杯浙江微辨縷石梁屹橫架萬仞青壁豎却瞰赤城顛勢
來如刀弩盤松圍清道九里天莫覩穹崇上攢三突兀傍
聳五空崖絕凡路癡立麋與塵邈峻極天門覩深窺地戶
金庭路非遠徒步將欲舉身樂道家流惇儒若一矩行尋
白雲叟禮象登峻宇佛闕繞杉嵐仙壇半榛莽懸崖與飛
瀑險噴難足俯海眼三井通洞門雙闕拄瓊臺下昏側手
足前採乳但造不死鄉前勞何足數

早春錢塘湖晚眺

唐張祜

落日下林坂撫襟睇前蹤輕澌流迴浦殘雪明高峰仰視
天宇曠俯登雲樹重聊當問真界昨夜西巒鐘

釣臺懷古

唐劉駕

澄流可濯纓嚴子但垂綸孤坐九層石遠笑清渭濱潛龍
飛上天四海豈無雲清氣不零雨安使洗塵氛我來吟高
風髣髴見斯人江月尚皎皎江石亦磷磷如何臺下路明
日又迷津

玉笥山留題

宋徐鉉

仙鄉會應遠王事知何極征傳莫辭勞玉峰聊一息形骸
已銷散心想都凝寂真氣自清虛非關好松石九仙皆積
學洞壑留遺跡游子歸去來胡爲但行役

冬日陪胡武平游西余精舍

宋梅堯臣

侵晨霜氣嚴溪口水已合鳥榜將進遲寒篙旋摧拉遙看
松竹深雪屋藏山初登臨興都盡薄暮沿清雪

送慧勤歸餘杭

宋 歐陽修

越俗僭宮室傾費爭雕墻佛屋尤其侈耽耽擬侯王文彩
瑩丹漆四壁金焜煌上懸百寶蓋宴坐以方牀胡爲棄不
居栖身客京坊辛勤營一室有類燕巢梁南方精飲食菌
笋鄙羔羊飯以玉粒粳調之甘露漿一饌費千金百品羅
成行晨與未飯僧日昃不敢嘗乃茲隨北客枯粟充饑腸
東顧地秀絕山水澄清光餘杭幾萬家日夕焚清香
四下起雲霧雜芬芳豈知車馬塵髣髴髮染成霜
樂子奚勤四方乃云慕仁義奔走不自遑始知仁義力可
以治膏肓有志誠可樂及時宜自彊人情重懷土飛鳥思
故鄉夜枕聞北鴈歸心逐南檣歸兮能來否送子以知章

越州飛來山

宋 孔平仲

物之體性重惟有石最堅迴風捲黃沙直下萬丈淵如何
崔嵬山乃解飛青天瑯琊趨會稽道理固甚懸想當初來
時詭異可得言豈非巨靈擘或謂秦帝鞭雷公挾電母歛
霍相後先夸娥負崖脚天丁撮其顛北斗借神兵虎豹下
九關海王驅魚送百里聞腥羶悲號與憊喘灑汗成流川
呼雲以自蔽日月不得宣栖鳥失其巢哀哀啼白猿草木

困擺撼枝葉半不全置之秦望陰百怪散蒼烟有龍走不
輟化爲錦色鰻攢身入竅穴噴出清冷泉都人駭相報平
地見巍然旣來亦能去惟恐復騰鶩浮屠鎮其上副以屋
蟬聯朝吟諸佛經暮誦西方禪以此相縈縛羈孤幾千年
我聞已有口今朝始攀援高堂置美酒遠目凌孤鳶老僧
爲我說指畫當我前是否難致詰且進黃金船

和晏相公湖上遇雨

宋韓維

公堂日多暇薄暮游清池孤雲從西來若與飛蓋期急雨
亂荷芰紅綠左右披沙禽帶濕起簇簇守前坻烟樹晦空
曲蟬聲寂無遺殘炎一洗濯霽景開林西禽飛還清波蟬
噪復故枝晚權揚朱華秋草含碧滋篙舟出隄去微風滿
平漪卷幔極悵望正見隄與箕舉酒無塵情慨然起遐思
永懷古先訓默道通介宜乃知賢哲心所得非遊嬉

送謝景初廷評宰餘姚

宋范仲淹

世德踐甲科青紫信可拾故鄉特榮輝高門復樹立餘姚
二山下東南最名邑煙水萬人家熙熙自翔集又得賢大
夫坐堂恩信敷春風爲君來綠波滿平湖乘興訪隱淪今
逢賀老無文藻凌雲處定喜江山助未能同仙舟離樽少
留駐行行道不孤明月相隨去

送錢藻出守婺州得英字

宋蘇軾

東坡詩集卷之二十一
老手便劇郡高懷厭承明聊紆東陽綬一濯滄浪纓東陽
嘉山水未到意已清過家父老喜出郭壺漿迎子行得所
願愴恨居者情吾君方急賢日盱坐邇英黃金招樂毅白
璧賜虞卿子不少自貶陳義空崢嶸古稱爲郡樂漸恐煩
敲榜臨分敢不盡醉語醒還驚

僧清願新作垂雲亭

宋蘇軾

江山雖有餘亭榭苦難穩登臨不得要萬象各偃蹇惜哉
垂雲軒此地得何晚天功爭向背詩眼巧增損路窮朱欄
出山破石壁狼海門浸坤軸湖尾抱雲巘葱蔥城郭麗淡
淡烟村遠紛紛鳥雀去一一漁樵返雄觀快新獲微景收
新題道人真古人嘯吟慕嵇阮空齋臥蒲褐芒屨舄白淵
天憐詩人窮乞與供詩本我詩久不作荒澁旋鉏墾從君
覓佳句咀嚼廢朝飯

懷西湖寄晁美叔同年

宋蘇軾

西湖天下景遊者無愚賢深淺隨所得誰能識其全嗟代
本狂直早爲世所捐獨專山水樂村與寧非天三百六十
寺幽尋遂窮年所至得其妙心知口難傳至今清夜夢耳
目餘芳鮮君持使者節風采爍雲烟清流與碧巘安肯爲
君妍胡不屏騎從暫借僧榻眠讀我壁間詩清涼先煩煎
策杖無道路直造意所便應逢古漁父羣問自黃緣問道

若有得買魚勿論錢

杭州故人信至齊安

宋蘇軾

昨夜風月清夢到西湖上朝來聞好語扣戶得吳餉輕圓

白曬荔脆醃紅螺醬更將西崦茶勸我洗江瘴故人情義

重說我必西向一年兩僕夫千里問無恙相期結書社

故相約釀錢雇僕未怕供詩帳僕項以詩得罪有司移杭取境內所留詩杭州供數百詩

謂之還將夢魂去一夜到江漲江漲杭州橋名

次韻趙景旼春思且懷吳越山水 宋蘇軾

歲華未無窮老眼久已靜春風如繫馬未動意先騁西湖

忽破岸鳥樂魚動鏡縈城理枯瀆放開起膠艇願君營此

樂官事何時竟清河西湖三開君督成之思吳信偶然出處付前定

然不繫舟乘此無盡興醉翁行樂處草木皆可敬明朝遊

北渚急掃黃葉經白酒真到齊紅裙已放鄭酒尚有香泉一壺為樂全

先生服不作樂也

寄參寥 宋陳師道

平生西方願擺落區中緣惟於世外人相從可忘年道人

贊公徒相識幾生前早作步兵語晚參雲門禪拾策孤山

下一室頗蕭然林昏出幽磬竹杪橫疏烟昨日寄書至坐

想參寥泉此泉如此公遇物作清妍一別今幾時綠首成

白顛子亦憐我老我豈要子憐會逢萬里風一繫五湖船

酌我巖下水吟子山中篇

泊吳興觀音院

宋 秦 觀

金刹負城闔閭然羨橋下小山直穹隆苔水相依倚霜檜
鬱冥冥海棕鮮蕤蕤廣除庇夏陰飛棟明朝罨溪光鷗鷺
邊天色菰蒲裏緒風傳畫壁月窺夜禮洩雲弄層空規
荷鑑幽汀舩艗際下鐘磬林端起聾牙戲清深嶼峩撲
空紫所過信悠然此生知寄耳志士璫溝瀆征夫念桑梓
攬衣軒楹問數日何如已

餘姚飯

宋 陳 造

昨暮浴止虞今晨餼餘姚官期有餘日我行得邂逅

湖外芝羹魚薦蘭椒一飽老人事茗飲亦復聊捫腹
惆昔賢尚篔簹僧垣棲翠微金碧煥山椒龍泓甘可茹塔
鈴如見招遲留本不惡况復待晚潮

遊慈溪龍虎軒

軒有石湖
碑如新刻

宋 陳 造

坐曹可勝勞出郭復行役半年定海令三度慈溪客慈溪
足勝處山秀江繚碧終然縈夢寐遑此事遊歷高軒闕龍
虎表表市闌側得興不暇慵徒倚且數刻洞戶初推敲階
除漸登陟向來攫怒勢枯幹抱頑石乃知名實間未易膠
今昔倘喜詩翁碑不受蒼蘚蝕何但神所護人未忘翁德
使非老眼明斯遊竟無得

清明西湖次韻

宋 陳造

蘇公舊堤東增築更千步右爲縈回溪夾以青葱樹晴湖
映碧山詩客更多助醉鄉赴新約書癡悔前悞況此好清
明酒果隨意具向來計追歡幾番陰雨沮今者成清遊仍
免俗子汚斜陽不無情似戀花柳住春光念報荅襞牋須
好句

五言天台山送僧象微歸山

宋 沈遵

吾聞天台久常讀與公賦茲爲東南鎮神靈之所據竒挺
究高狀嵩岱不足語頗疑說過夸特爲辭之媻象微乃州
民能識山之故從容試爲問聊得一一疏赤城建

與斗牛附萬有八千丈轟若天一柱深布發高源飛流翻
注雪霜浮虛空晦明亂朝暮巖足多丹石光華燦寶璐
澗溪百餘仞欲濟毛骨怖九折凌峻梁五界窮幽路芝蘭
散竒草松桂羅嘉樹祥風吹白雲飄然若可御幽闕足瓌
怪纖悉難畢具凡迹古不到神物陰自護傳聞昔人說中
有洞天處是名不死墟衆真所游聚玉堂敞金庭碧林列
瑤圃有能從而求得之乃仙去斯言寧可信良非吾所慕
吾志本邱壑久已失厥趣誰言石梁客乃甚轍中緡秋風
日已高歸心浩欲驚茲山夙所愛送爾緬東嶺吾廬因爾
卜俾來審繪素

勸農道場山

宋王炎

練日遵詔條行春勸耕事
菑蒞有傳呼據鞍小馳誇
喜聚觀父老歡來詣松徑
度坡陀蓮宮得清處此行
非遊所職在撫字示之淺
易語諭以丁寧意扶杖既
言歸解衣聊少憩山中無
俗情物外有幽趣僧開衆
所羨農困吾甚媿不敢飽
登臨肩輿下山去

浦江華藏寺如勝上人欲募施者開田佐僧供以長
老皎公書來求予詩作二十韻奉勉

宋范浚

浮屠謝明親屏跡藏巖幽
多規脫徭賦豈必皆禪流
自言遺經墾土為愆尤不
耕徒穀腹何異鼠雀偷告
之勿浮食當須力鋤耰前
修舉鋏事千載垂風猷奈
何啞羊僧百語不領頭皎
公老禪伯慕吾孔周其徒
有如勝用意非常儔欲開
千畦田更辦兩具牛率彼
枯木衆躬耕食其秋釋門
有添丁乃翁坐無憂與國
助耘籽疲氓庶其瘳此意
良足嘉感之歎綢繆昔聞
白黑衆十萬俱清修鴻金
置千畝給供無時休於今
豈無人勝也當尋求長途
觸隆冬一衲寒颺朱門立
雪久歡喜無生愁作詩勸
勇往以俟歲晚收

寄開化李令光二首

宋程俱

我行阡陌間苗麥已復清茅茨間新藁雞犬有和聲不見
吏索錢田家得其生雞犬亦肥字不遭無事烹於斯可觀
政豈在赫赫名父老亦相語驩然就春耕官租及時了卒
歲樂無營
山間古梅林有鴉集其端不飛亦不鳴彈射不敢干下窺
羣雀雛啄頽剗其肝欣然舐兩爪意得良自安飛來多凡
鳥助此凶且殘安知萬山曲亦復鳴棲鸞相咻固不可見
嚇技亦殫衆鳥既有恃相期在歲寒

寄題淳安陳令君讀書林


宋 吳 儆

能吏事深刻商利謹毫釐俗吏趨期會簿書自羈縻寥寥
茲歌聲千古空餘思還厚山水邑令君却整姿邑民本
事君亦何所為治已物自治化行風漸移君復何所欲讀
書常不足挂腹五千卷插架三萬軸曾未出毫芒萬室已
蒙福堂東松竹林昔時悶荒榛堂中燈燭光昔時照紅裙
今何聲吾伊蕭蕭風雨晨問君有社稷亦復有人民奈何
徒自苦學道則愛人

寄題陳同甫抱膝亭

宋 陳傅良

稻粱不難謀軒冕亦易得胡為抱膝翁惻惻復惻惻秋風
墮碧梧鳳鳥去無迹愁吟草際蛩兒女淚盈臆忽然一長
嘯孤響起空寂令人識雅頌一唱三歎息室廬在路旁耕



鑿在民籍行人聽笑語稚子共眠食讀書果何罪鬚髮又
半白此意太勞勞此身長抑抑抱膝且不可出門更何適
但勿問門外蓬蒿若干尺

次韻曹守懷玲瓏山

宋 沈與求

泉石有膏肓客游夢想半如歷極羊路投七念鄉饑懷哉
小玲瓏舊賞常酣宴玉女下雲窗輕我年未冠誅茅老三
間此意已懸斷少須草堂資兩足那可絆謝公愛東山自
結尋幽伴詩筒忽相先紙價豈容賤流傳從使君感此歸
思亂擷蘭躡危根漱石俯長欄野性等麋鹿百嗜寧食
攬衣中夜興測漏疾流眄局怒愧驚筋早飛傷短論正使
屐齒折未改柯斧爛時節脫駛徂遲暮空浩歎何當踏下
澤去路鬱交貫

和喻叔奇游天衣

宋 王十朋

稽山高入雲鑑湖遠浮空夏后留遺跡晉宋多名公我來
歲及周夢寐懷清風茲欣天氣佳扶桑欲曛曉駕言天衣
游盍簪盡鴛鴻經夕戒行李如期集仙宮聯騎出城南行
行指秦峯千巖競吐秀眼界殊清空招提在何許十里松
陰濃林端忽鐘磬與客爲先容羣簪擁花界雙佩鳴寒淙
試將比天台大畧如思豐天台有思豐堂首讀邕浩碑妙理闢昏
蒙細觀元白詩邱壑羅胸中蕭壁尙堪面梁薪幾經烘寺有

梁時薪火茲宮現有相禪客談無同朝陽最嶄絕白雲抹其胸

杜鵑天下無至今滿山紅雞僧始開山道業聞清衷思舉

照不起高價傾江東袈裟縷黃金宮女百針工昭明親抱

送禮意何太恭白馬忽渡江臺城困英雄國破遺衣在丹

青落塵客寺舊有昭明像我輩皆書生意氣飄如虹蠟屐共尋幽

寧求香火功載酒懷賢老招隱思戴顓賦詩追吹臺一飯

敢忘忠況我賢使君德宇尤疏通楚醴餉百榼白衣走山

中嗟予何爲者天資愧空侗謬與酒中仙適同載山松哉

有八松同年妙詞章況有山水供古詩如古琴山高水溶溶

背囊小奚奴捧硯長揖翁勝游與佳作二美悉具逢品題

福羣英波瀾及奇蹤掬水弄花句比擬猶凡庸茲會如蘭

亭同行類荀龍盛事在詩史奚用呼畫工

同錢用明用章游白石巖

宋王十朋

謝公好山水得郡古東甌造物惜佳境雅志多不酬松蘿

蔽雁蕩烟靄埋龍湫行田經白石不到仙山頭寥寥數百

年天賦黃冠流巍然萬仞崖壁立東南州誰將補天手化

出白玉樓兩龕藏洞府中有羣仙遊上通尺五天下接三

神洲飛泉落巖腰碧澗鳴山陬羣峰真培塿滄海爲渠溝

隘視人間世萬象同蟬蛸我家鴈蕩陽崎嶇屐經邱翩翩

錢公子呼我尋巖幽初驚小雨密忽掃羣陰浮杖履窮嶺

來仙法... 一洗塵埃胖山林有真樂富貴何足求但願乞二山不願萬戶侯

度雁山

宋王十朋

雁山五經眼茲行尤可觀初冬天氣佳雁歸山未寒有日照幽谷無雲翳層巒入境見祥雲振衣登馬鞍濕水飛玉龍羽旗導翔鸞石柱屹天外卓筆書雲端靈峰觀石室杖履穿巖岫山禽知我來好音若相歡羣峰列春筍丹青狀尤難行色愧匆匆更約它時看

道瑞安

宋王十朋

我家古樂成老未識安固偶把清源麾首問南塘路得維

日已晏入境天欲暮張子自陶山扁舟歸然顧沈君壯年別相見髮垂素訪舊多不存來觀莫知數平原二十人邂逅喜相遇謂我宜少留欲救不腆具我驅不敢疾曲爲一宵住臨江有高閣登覽可以賦瀾同孟子觀日作少陵注燈火照魚龍談笑驚鷗鷺含杯鄉意濃竊食君恩誤晨起酒未醒潮來報催渡

夜出偏門還三山

宋陸游

月行南斗邊人歸西郊路水風吹葛衣草露濕芒屨漁歌起遠汀鬼火出破墓淒清醒醉魂荒怪入詩句到家夜已半佇立叩蓬戶穉子猶讀書一笑慰遲暮

稽山行

宋 陸 游

稽山何巍巍浙江水湯湯千里巨大野勾踐之所荒吞雨
桑柘綠秋風旂稻香村村作蟹椹處處起魚梁陂放萬頭
鴨園覆千畦薑春碓聲如雷私債逾官倉禹廟爭奉牡蘭
亭共流觴空巷看競渡倒社觀戲塲項里楊梅熟采摘日
夜忙翠籃滿山路不數荔枝筐星馳入侯家那惜黃金償
湘湖蓴菜出賣者環三鄉何以共烹煮鱸魚三尺長芳鮮
初上市羊酪何足當鏡湖瀉衆水自漢無旱蝗里樓與曲
檻滌灑浮湖光舟行以常車小繖遮新粧淺坊小陌聞深
夜理絲簧我老述此詩妄繼古樂章恨無季札聽大國風

洪泐

石堰村

宋 陸 游

木落山不蔽水縮舟自獻寒日晚更明村巷曲折見小婦
鳴篴杼童子陳筆硯農家雖苦貧終勝異鄉縣君看宦遊
子豈無墳墓戀生死在故鄉切勿慕乘傳

於潛道中

宋 洪 邁

山行厭犖确理策扶欹危綠野三兩家一息知可期冉冉
晴林端炊烟裊晴暉居民豐且樂恐是太古遺那知都邑
間百索困鞭笞繁華今何有半作道旁癡

釣臺阻風去得風便

宋 薛季宣

先生非釣名魚釣清冷水太空長廓然浪迹秋光俟人憂
我何憂忘怒亦忘喜建武非漢元詎有留侯起神明旋地
軸姓氏更七里雲臺已埋沒巖瀨殊清泚我我二釣臺高
挿烟霞裏首陽遠相此萬祀恒不圯我來經舊廬敢卜瞻
遺几東風廻我舟江步時須艤仰觀嚴像設敬拜豁煩鄙
層臺暢登臨無復徒仰止縈紆古道屈望望攀蘿藟崇基
介巖石特立端不倚削成二山碧平止章如砥衆山鬱青
葱環合紛礧礧清塵森萬象觸曉同一視古人不可見可
見安仁美旅情殆忘返回棹西風駛青蒲挂一席入望俄
城市瞥如周變秦物物非古始乃知主人意待我非失紫

迎因下風忙遽均倒屣烹茶出清泉盤饌羅盤饌飲之
以珍羞浣濯予塵滓相忘命然開茶假談名理去留維我
意今昔交爾汝此情固冥契何必親之乎

宿石門

宋 葉適

好溪瀉百壑南北傾削峰山几堆阜俗映岸羞爲容石門
忽秀出老幹蔭滄洪捨舟從口入便已離塵中衆芳拱窟
宅環响獻奇穠藤蘿異態度尺寸疑施功錦茵翠織成照
羅無春冬水行千丈高歎薄不可窮更有洗頭盆雲深霧
常封昔年謝康樂築居待其終繼作者邱裴語言亦稱雄
邈然百世後未忝騷人風栖栖三羽衣日晏齋廚空之子

歇過槩暫洗氛埃胸自曠苦淹留寂寞不易供嗟我老無
用佞山久成翁結廬會昌側勢落魚蝦叢種竹似束菴栽
松如斷蓬小兒餽盆盂何時至周公會當同此住代輪助
之春

入餘杭縣

宋 高似孫

明發遵西陸驅車月流光佳山迎車來知是古餘杭危樹
露如雨平野日未陽支流滄清源弱羽無高翔人家叢灌
下世減山水鄉扣門作午憇白飢羞文魴邂逅有足歡離
合非其常主人不予鄙予留亦徜徉

洞霄

宋 周文英

曩既負幽討今敢萌遐心扶桑下陽馭磬磬浮空林瓊臺
泐泐蕩藥佩棲高深屢見仙驥舞遙聆元女吟如遂都開
闢那復憂崎嶇抱關職貴重啟閉非所任靈鷲擊虬戶同
此琅琅音願併翠綃水寫之朱絲琴

月夜泛舟姚江

宋 樓鑰

秋暑不可耐幾思泛中川晚來興有適溪船偶及門涼月
纔上弦平潮可黃昏倚楫縱所如臥看龍泉山長虹跨空
澗過之凜生寒坐穩興益佳夜氣方漫漫草蟲鳴東西飛
鳥相與還仰頭數明星垂手搖碧瀾坐客惜此景不及攜
清樽無酒要不惡徜徉足幽歡幽歡有何好叩舷澹無言

求仲抑招遊山歸途遇雨

宋樓鑰

竹輿繞湖濱宿霧尚厭浥徑到玉岑下坐久客始集起穿
 靈石山萬松介而立梅天氣清潤空翠行可挹古藤幾百
 年枝蔓兩山及見說暮春時花繁紅燭燭直疑老潛虬初
 起夜來蟄俯玩歲寒泉齒冷不敢吸相將上龍泓塵鞅謝
 羈馱洞有靈獸居臨深心岌岌魚游明鏡中巨浪無三級
 寒苔載水去萬頃潤原照濛濛山雨來歸僕鳥飛急野興
 殊未已日昃不暇給衝泥上湖船雨陣遽奔襲颿風將急
 點回旋驚四入中流益蕩兀短篷不當筮停篙亦久之怒
 勢不少戢我徒方嘯歌弗為改豪習但耻餅鼻齧莫可衣

送

送仲抑上虞

宋樓鑰

我老不復任行將掛衣冠兩子俱貳令宦職恰一般列州
 且書考上虞亦之官人言易捧檄歸奉重親歡我意正不
 爾期汝政可觀食焉怠其事古訓戒捨鏹汝職去民親簿
 書當細看一邑無不問正爾良獨難江海匝三垂長堤捍
 驚濤埭高幾如山潮至不留殘宣和有遺迹能使潮浸灘
 陂湖謹蓄洩可以救旱乾長溝濟漕運浚治令通寬此皆
 丞所職勿憚心力殫江頭有東山永懷謝家安邑有李與
 豐況復居二潘尚友更從游問學加研鑽平時固知汝廉

東坡先生集卷之二十一
謹無欺謾涉世終未深戒汝能無言故鄉去帝鄉舟馭多
往還失已固不可待人亦多端罔求違道譽善遣非意干
窮達自有時此理真如丹聚散不足較豈得長團樂閒靜
我所便汝其自加餐有時或乘興往來二子間蹈雨送汝
行浮家當游般走筆如家書誰能苦雕刻

過舒臨海故宅

宋謝翱

破壁濕海蘚水邊日氣蒸云是舒公宅其孫艾且仁昔公
初作尉視事卽斬人土書稱臣直待罪滄海濱天子有詔
至汝宜可治民爾時荆文公上方邑之鄞聞此輒異之久
會公秉釣謂此非狂狷引用至中丞立朝思蹇謬庶以假

君親蘇公下詔獄議者用事新於此與有力豈爲重其身
晴風吹海雨山川尙橫陳俛仰勿太息徒爲驚爾鄰

會稽秋日觀山

宋陳鑒之

荒塍間流水黍落風颺颺前山與幽人亭亭共清秋遠近
日明晦隱見雲去留木末一叟歸犬鳴茅舍幽憶昔典午
東劔佩森名流勝地慰遠懷茲焉久綢繆漁磯與樵徑今
有斯人不池石老苔髮空餘螺蚌游世有古今異郢歌聊
自酌醉眼時摩挲此山卽前修

洞霄宮

宋林景熙

洞天有別雲福地無凡土嘉名此兼擅靈氣適專聚峰巒

五重掩雲霧白吞吐飄然乘風一游謁瓊宇住山老黃
冠迎客琪樹午魚魚美少年華裾集齋鼓往者修鍊人
昇接高武爾來何寂寥山川亦今古甲第疑王侯億萬
倉庾所以氣體移學道不精苦吾聞郭許倚卓菴老林莽
終日對白雲餐松飲石乳

大滌洞天

宋 林景熙

九鎖絕人寰一嶂聳天柱自從開闢來著此洞天古奇石
千萬姿元不費神斧帝勅守六丁山夔孰敢侮白晝中冥
冥游者必持炬或絢若霞敷或蹙若波詭或豎若旌幢或
懸若鏡鼓或虎而爪鋸或鳳而翅舞異狀紛然賦清音
擊拊不知金堂仙恍惚在何許褰衣下側徑層嵐結瓊乳
逕極纏轉深幽潭蓄風雨劣容童豎入恐觸蛟龍怒凜乎
不可留長蕭出巖戶

遊仙華山

宋 方鳳

仙華蓋萬仞我乃廬其東日夕與山對今茲踏玲瓏起左
信奔鹿當前任啼狖大嶺崖石裂一覽天宇空蒼松飽風
雨絕壑掛老龍樵斧不得睨撫根憇吾躬邈哉軒轅氏問
西嶽峒龍髯一以遠千載非遺弓猶傳少女靈鍊玉於
宮山林空青香火明我表我來重懷古攬涕臨西風
雷刺飛

不問留身... 華山... 詩我... 華... 不... 聖... 不...

勅修浙江通志卷二百七十二

藝文 十四

詩

桐廬道中

元 趙孟頫

歷歷山水郡行行襟抱清兩崖束滄江扁舟此宵征臥聞
 灘聲壯起見渚煙橫西風林木淨落日沙水明高旻眾星
 出東嶺素月生舟子櫂歌發含詞感人情苦不遠東
 山有遺聲豈不懷燕居簡書趨期程優游恐不免驅馳竟
 何成我生悠悠者何日遂歸耕

送趙虛一道士降香南海諸名山

元 袁 楠



振策峨眉巔身輕瞥飛鳥懸崖飲崩流鑿石穿暗篠高鸞
蕩心目每恨所歷少捧香南溟使絕足騰騾裏龍淵明珩
秀恍惚百靈瞰乘颺訊八公挂席招五老巖光候陰晴水
氣變昏曉神君層巒倚商祭通杳眇念昔結空寂厓厂絕
登眺希彼巢居子寢作止林杪鐘鳴驛吏動危坐萬籟悄
餘齡水赴壑歷塊跡電埽韜精習澄觀俯矚八紘小

送俞元明之官仙居縣

元 貢 奎

赤城離東南蒼巖間石扉靈槎絕塵界曉日明煙霏古稱
神仙居欲往事已非林樹藏野縣空街行迹稀之子萬里
役黃塵手頻揮辛苦事科舉一笑辭布衣我公得茲地扁
舟愜南歸訟簡民俗淳官清吏仍饑荒庭齧瘦馬鉤簾撈
交飛健筆凌青雲江梅素英蜚性靜恒自安謬辭速羣譏
士生亦樂道矧以友道微持樽贈遠別矢心諒無違

題汪華玉所藏蘭亭圖

元 虞 集

衡茅負晴旭有客至我門共披會稽圖山水盛繽紛衆賢
坐水次飛觴汎沍沍夷曠各有趣高閑知右軍幽情付後
覽陳迹感前欣悠悠千載來不異更旦昏探穴問神禹望
海悲秦君逝者皆如斯死生因奚云所以鼓瑟人思從童
冠羣春服沂新浴歸歟聊永言撫卷不知老遐思在茲文
東南極積水日莫多浮雲

晚泊釣臺下

元黃潛

四山環一水遺臺故巘岬那無漁樵居政復不敢安舍舟
衝微雨憑軒俯青灣念昔乘興來無從寄游觀今我有行
役乃爾容躋攀山靈豈愛我爲解塵土顏落日薦蘋藻清
風聞珮環幽尋不可極林暝吾當還却去望層碧孤舟生

晚寒

陳孝子詩

元黃潛

南仲杭陳氏斗龍父所名家臨百丈溪父書傳考亭夫亦
人之子胡獨以孝稱維仲適母盛王寶生寧馨盛謂我已
出無殊祝螟蛉仲父諱弗言王卒不自明睠然舍之去呱

呱聞泣聲年運日已往頭角稍聾噪額天乞隕滅願以益
父齡父沒盛亦亡弔影傷孤笑或乃告之故曰汝王所生
王居清湖上去此無十程時仲新捧檄精廬擬橫經悲號
棄其官肩輿親奉迎安知世代易人非餘故城鄰有鶴髮
媼叩之久始謦言我與汝母少小俱娉婷汝母生汝歸去
作江東行不知今在無我老猶零行仲也聞益悲羸糧事
晨征六年困逆旅冷雨啼青燈譬彼無母雛投林輒哀鳴
承豐有施氏大屋深重扁于焉得母處一父相合并母子
更抱持淚如九河傾三日負母還盜賊方搶攘倉皇與之
遇白刃紛交橫頓首前致辭颯縷陳衷誠能令激高義相

戒勿敢驚仲昔以至行上天降休禎靈雁旣羣集嘉瓜復
冬榮區區彼蟲豸豈遂無人情聖人詒純孝厥有閔與曾
未聞樹奇節謹頌傳轟轟此道古或稀此事今可徵我歌
雖云俚庶感蚩蚩氓

赤城

元黃潛

雞鳴林吾馬晚飯山中行何以慰旅懷赤城有嘉名灘長
石齒齒樹細風泠泠時見巖壁間粲若丹砂明溫泉發其
陽撝訶勤白靈前峰指金閣真境標珠庭白道人跡稀青
厓雲氣生信美無少留緬焉起深情

曉行湖上

元黃潛

曉行重湖上旭日青林半霧露寒未除鳧鷖靜初散黃網
際餘景閃倏多遺玩會心乍有得撫已還成歎夙予丹霞
約久茲芳洲畔獨往願易違離居歲方換沙暄芷芽動春
遠川華亂存期乃寂寞取適豈爛漫小隱倘見招漁樵共
昏旦

金華北山紀遊八首

元黃潛

偶爲山中遊遠過雲關宿蒼燈閃初夜雨氛蒸深屋時聞
清梵音窈窕松林曲

靈源

迢迢上方界水木翳清景山深不可留日暮衣裳冷凄其
懷昔遊百歲嗟俄頃

草堂

仙山高不極萬古積蒼翠清興薄暮移遺跡洞天祀巖阿
春寂寥琴仙勿予過

三洞

披榛度空荒突兀崖寺古幽花雜紅白老屋亞雲雨前膽
石徑微咫尺不得取

鹿田

下山復上山躡屩行漉漉宿雲冒長嶺旭日映高樹山僧
亦何爲獨向城闕去

寶峰

潘公古達人陳迹闕邱壑草生春晝長鳥啼巖花落神交
千載上未敢付冥漠

潛岳

行行指木末路逐飛雲上時登巨石憇共聽春泉
竟莫窮卽事成幽賞

山橋

暮投招提境明發首歸路舉頭望山椒遙認經行處
巖壑開蒼然正烟霧

寶石

送楊學正歸餘姚

元黃潛

綠江吾舊遊風物殊不惡江水天際來宛宛帶郊郭雲帆
渺渺淑翠嶂森樓閣別離不可念此日忽已昨想見春水
生烟柳仍濯濯君胡久去此三徑獨盤礴空齋耿燈火月
冷潮聲落近聞故人書遠致江上作白駒幸無遐淮陽詎
云薄招邀忻良會綠酒春可酌采芹有遺篇風雩多新樂
因君訊同志何用慰離索

遊西山同項可立宿靈隱西菴

元黃潛

薄遊厭人境振策窮幽獨理公所開鑿遺跡在巖麓秋杪
霜葉丹石面寒泉淥仰窺條上猿攀蘿去相逐物情一何
適人事有羈束却過猊峰迴遙望松林曲前山夜來雨濕
雲漲崖谷縹緲辨朱甍禪房帶修竹故人丹邱彥抱被能
獨宿名篇聊一詠異書欣共讀蹉跎未聞道黽勉尚干祿
夙有邱壑期吾居幾時卜

同陳太傅諸公同登六和塔

元白璣

龍山古化城浮屠峙其巔開殿生妙香金碧森貝筵應真
儼若生倒飛青金蓮頭陀紺林叢導我丹梯緣初猶藉佛
日闕境儻已元回頭失誰何叫嘯衣相牽且復忍須臾

見快意天嬌兒詫先登網戶相鉤連炯若蟻在珠九曲隨
盤旋爛爛滄海開落落雲氣懸羣峰可俯拾背闕黃鶴騫
奇觀興懦夫便欲凌飛仙絕頂按坤維始見南紀偏神京
渺何許于氣須停躔舟車集百蠻鳥嶼通人烟一爲帝王
州氣壓三大千剛風灑毛髮鐸語空蟬聯紅紅杏花園媿
乏慈恩篇

龍吟軒

元吾邱衍

四山若龍盤精廬刻溪曲中有不蟄龍長吟破幽綠道人
宴坐起拂袖窗牖開手持碧琅玕聽此風雨來

飛來峰

元陳孚

寒峰插天出玲瓏萬菌蒼微風起松際歸石勢搖撼上有
百尺松幽花綴紅糝野猿忽躍去滴下露千點回首冷泉
亭天鏡光激激游姬長眉青嬌童兩髦髮平生山水癖如
人嗜昌歎對此一壺酒玉色翻醉臉路逢老祝髮絳袍金
光閃茲山信自佳恨爲緇塵染置之且復醉天竺鼓統統

小石塘源

源深遠幾百里屬嚴之建
德婺之浦江民俗淳古

元于石

萬山鬱回合羣木尤老蒼細路百盤折崎嶇陟華腸涼陰
覆峭壁縈迴澗流長緣蘿下百尺笑挹清泉香甘寒試一
漱齒頰凝冰霜拂石坐未去樵叟來我旁云此澗中水其

故鄉叟言起予意振衣欲飛揚便將隨水源徑度千仞岡
叟前挽我衣遲留且勿忙吾家隔前坡林居媿荒涼寒醅
旋可壓爲子炊黃梁微徑行犖确柴門隱松篁推戶拂塵
席延我入中堂呼兒出長揖澗步何踟躕問我從何來驚
顧走欲僵屢呼不復出自起致茶湯坐不分賓主高談到
羲皇炊煙澹茅屋勸我飲盡觴葫蘆爛鵝鴨盤釘羅芥薑
一飽共酣寢此樂殊未央攝衣起謝叟聽我歌慨慷風埃
暗宇縣幾人失耕桑而此源中民熙然獨徜徉數家聯聚
落茅茨帶林塘笑語聲相聞隔籬燈火光翁嫗各垂白童

穉紛成行嫁女必近鄰生男不行商死徒無出境耕織各
有常地鑪老瓦盆竹几素木牀俗淳氣亦古豈識時世妝
瓜瓠滿籬落麻苧翳門牆缺竇出雞犬平坡散牛羊豚啼
一盃酒神休答豐穰村謳雜社鼓醉舞衣淋浪晝無悍吏
苦夜無羣盜狂生者遂所養死者得所藏其樂有如此宜
與世相忘叟前從致詞爲子言其詳使我居華屋綺疏交
洞房使我服鮮麗翠襦繡羅裳食必具水陸飲必酬瓊漿
出則盛車騎錦鞵紫遊韉歸則擁歌吹粉黛環姬姜貴封
侯萬石富儲粟千倉如此豈不樂患至難預防利者禍之
的何地非戰場況有吏椎剝寧免盜陸梁安貧卽樂土多

財必遺歿人生空

常分世事胡可量我聞重歎息

傍徨林霏掩蒼翠

回首路杳茫遠山銜落日慘慘塵沙黃

因思桃源中人多

守而康山深事簡寡居安俗淳良不與

外人接別在天一

世以爲神仙此說誠荒唐平生志遠

遊恨不窮八荒去

八百里近絕境見未嘗邈與桃源居異

世遙相望安知千

山下以我非漁郎獨恨無桃花夾岸搖

紅芳花落春水漲

葦或可航

次韻鑑中八詠

元于石

青山削芙蓉上有浮
散霞彩暮色涵空青

雲生竊窅俯長流透迤帶重城朝光
鳴夷去不回遺爾千古名

種山

蓬萊失左股負以垂入翼中有仙人居珠宮燦瑤席疑雲

不飛去化作輪困石琴坐石上長憶三山客

會稽山水國崇山幽當時觴咏處春淨花顏酡磊落

黃金鑿玲瓏白玉珂行須及時美人在邱阿

梅山如積翠的樂手堪遙遙仙人射盤盤故時隴丹泉

清可鑑石乳甘於漣行解塵纓于馬踏高躔

我愛鑑湖水明如照膽澄清若有待渾濁那能蒙當時

賀知章富貴如芥通豈一畝地來築仙人宮

驅車曉行邁行行出郊斷岡屹崇墉虛籟殷靈

瑤草長風定松花落西山有爽氣迢遙倚晴閣

樓居本高明況在松竹間溪流深幾尺新雨過

多變態好鳥亦間關偃蹇樓中人對酒還開顏

視心如蓮花淨明涵十虛出泥本無垢露體皆真如大千

入一息晏坐忘百須陶公雖飲酒時能到林廬

蘭亭

元韓性

昔人蕤芳蘭遺跡越溪上風流晉諸賢好奇極尋訪坐令

後來人弔古更惆悵憶昔初來遊精廬適新荆俯仰三十

年故交獨青嶂今晨天氣佳煙隄繫輕舫相携得良朋舉

酒互酬倡散策依晴林浴洞俯新漲地偏塵易遣慮澹情

自暢回首昔時遊樂事終不忘誰謂古人遠千載欣一餉

彭殤端齊軌蒙莊諒非妄

徑山五峰五首

元釋祖銘

天勢下凌霄坐使萬壑趨元氣結巒岫獻此大寶珠翊殿
護釋梵鼓鐘殷人區

堆珠峰

五髻生雲雨鎮踞何春容具此大人相題為大人峰偉哉
天地間萬象同擴充

大人峰

峰勢來大鵬鼓此垂天翼培風本無待適茲造化力何須
問天池在在六月息

鵬搏峰

移松太古色不別春與冬道人此宴坐一念萬劫融不持
座燈王等了諸法空

宴坐峰

二儀開幽漠日月臨下土萬物麗高明此峰正當年堂
大聖人兩眼空寰宇

朝陽峰

送林彥清歸永嘉

元柯九思

雁蕩接銀漢翠湧生高寒芙蓉散秋景飛落秋雲端我昔
造絕頂天濶路漫漫遙瞻廣寒殿素娥正憑闌白兔持月
魄指顧成神丹因招宋成公吹簫乘紫鸞俯視九萬里元
氣清團圓別來知幾時弱水如平海忽遇雁山客霞珮青
蓮冠還入雁山去玉髓供晨餐報我舊遊者久待凌烟巒
吾患為有身南望空長嘆

送黃中玉之慶元市舶

元張翥

昔我遊四明壯觀真海波塞裳寶山頂曙色寒嵯峨日輪
鎔生金涌出萬丈渦雲氣忽破碎朱光相盪摩決昔蓬萊
宮攜手扶桑柯羣仙迎我笑佩羽紛僭僭颺風歛驚潮騰
擲鱷與鼉浮槎徑可擊從此超天河精神動百靈上下煩
撫訶歸來已十載遠夢時一過君家賢父兄儒術傳世科
薄言捧省檄舶署聊婆娑是邦控島夷走集聚商舶珠香
雜犀象稅入何其多權衡較低昂心計寧有訛資闕須歷
試壯圖詎蹉跎維君官事隙爲訪巖之阿懸應仙者徒往
往嘯且歌遐征渺不見空響遙相和因聲兩黃鸝持我紫
玉珂豈無滄洲興奈此塵劫何

天台林氏山齋瀑布泉

元貢師泰

飛龍上青天忽聽山石裂怒驅萬壑雷散作半空雪
脰中弄潺湲展布映澄澈毛髮爲森立盡洗人間熱浩歌下山
去日莫風烈烈

浦陽舊有明月泉久而不應今乃疏道其源似頗與
弦望晦朔之間相爲消長者遂作是詩

元吳萊

大區何渾淪元氣乃潛洩忽然爲山水無往不融結遙天
偶一照厚地空餘列盈將光共生涸與魄同滅元機自消
長至理誰圓缺發揮雖有在窺測尚未決枯查曾幾棲斷

沃遠中裂平倚嵐翠雲微通海潮雲昔人來推求于此行
表絕虛亭奚其敞靜發獨不齧歲年竟悠遠沙石漸填咽
寧加疏瀹功肯使見聞襲恍疑合圖經環坐列稚童倘非
蟹投碕幾類鮒處轍織織浮晶彩湛湛浸寥泬舊觀方爾
還真源可吾繻爭言彼月行豈爲茲泉設蕭邱胡長寒漢
井或再熱逝尋白兔公直探神龍穴狂歌水仙詞擊碎如
意鐵

次定海候濤山

元吳萊

悲歌忽無奈天海何渺茫放舟桃花渡回首不可量南條
山斷脈北界水畫疆居然清冷淵枕彼黃茅岡朝滲日星
黑夜淒金碧光蹲虎巖倚伏鬪雞石乖張磨碧越湛虛登
汨吳餘皇幽波視若鏡巨壑深扶桑招徠或外域貿易叢
茲鄉嗚咿燕國語俱倒龍文裳方物抽所寶水犀警非常
驅鱗作旗幟駕鼉爲橋梁似予萬里眼徙倚千尺檣稍疑
性命輕終覺意氣強寄言漆園叟此予真望洋便擬學仙
子被髮窮大荒

夕泛海東尋梅岑山觀音大士洞遂登盤陀石望日

出處及東霍山回過翁浦問徐偃王舊城八首

元吳萊

山月出天末水風生晚寒扁舟劃然往萬頃相渺漫星河

白搖撼島嶼青屈盤遠應壺嶠接深已雲夢吞蟠木豎
纜扶桑纓我冠寸心役兩目少試鯨魚竿

起尋千步沙穹石塞行路怒濤所撻擊徒以頑險故卓哉
梅子真與世良不遇上書空雪衣燒藥煙樹元螭時側
行縞鶴一迴顧從之招羨門滄海晝多霧

茫茫瀛海間海岸此孤絕飛泉亂垂纓險峒森削鐵天香
固遙聞梵相俄一瞥魚龍互圍繞仙鬼驚變滅舟航來旅
游鐘磬聚禪悅笑撚小白花秋潮落如雪

長嘯山石裂我今在東溟遊日出窮微舉衣窮絕陘奇氛
抱珥赤遠影摩空青想像賜谷水徘徊燭龍形晨昏相經
絡稚耄不得寧豈若柯斧爛看碁了千齡

遙觀杳無極宛與東霍鄰悲夫童男女去作魚鱉民紆嶼
尚餘聚蓬山寧爾神古棹昔駐迹仙杆竹驅塵短褐徒爲
拂飛槎邈難親好攜支機石去躍織女津

笑揮百川流東赴無底壑青天分極邊白浪起爲郭丹裳
或時承椎髻亦不惡投珠鮫人泣淬劍龍子愕海宮眩鱗
縷商舶豐貝錯何不呼巨鵬因風泝寥廓

老篙迴我舟沙畧晚烟起蒼茫魚鹽場寂歷鼓吹里人民
悲舊土歲月祀遺址終捐玉几研不抹朱弓矢東西八駿
馬今古萬螻蟻此事如或然須湔會稽水

東仙洲記
我行半天下始到東海隅水落礁石出中飛兩鵜鷗情知
瓌奇產勢與險阻俱浮海豈必陋雖聖猶乘桴吮風丹穴
鳳尾雨青邱狐幸隨任公子不愧七尺軀

還舍後人來問海上事詩以答之

元 吳 萊

去家纔五旬恍若度一歲豈不道路艱周流東海瀕故人
喜我返來問海何如所經何城邑相去幾里餘我言始戒
塗尚在越西鄙隨波到句章滿目但積水人云古翁洲遙
隔水中央一夜三百里猛風吹倒檣初從蛟門入極是險
與惡白浪高於山神龍習以躍似雪復非雪倚檣欲上看
舟子禁不可使入舟中蟠尋常重性命今特類兒戲信哉

昌黎言有海無天地掀掀終達岸鹽鹵聞黃蘆人煙寄島
嶼官府猶邱墟水旅紛異嗜魚鱉及蠓蟻我寧不忍餐抹
蘇相吐沫荒塵棲予髮旭日照我身似聞六國港東厭扶
桑津或稱列仙居去此亦不遠蟠木秋更花蓬萊闢真館
我非不願往此險何可當天吳布牙爪出沒黑水洋千奇
豈易得似足直一死方去徒自驚旣歸亦云喜珍重故人
言勿以險爲奇茲行已僥倖慎勿疾平夷雖然此異鄉固
是難久客聖出風且恬時清海如席我猶愛其然恨不少
淹留爾母爲我懼遭此千丈虬試看塵世間甚彼大瀛海
衣裳日沈溺篙艣相奔潰奔潰孰能救沈溺將奈何口吐

舌不下聊爲故人歌

金華觀分得琴字

元 吳師道

春宴踐宿期雲間陟高岑獲從勝友俱遂此物外心月窟
探萬仞臨淵測重陰盤坐白石臺長嘯青櫟林暮探虛皇
居急雨含蕭森松風飛淙合終夜淒笙琴何能發孤咏千
載同遺音

過常山趙忠簡公墓

元 吳師道

客行常山道溪駛波沄沄流睇崇岡問是丞相墳舍舟
步榛翳隧道不復分石麟已零落宰樹何披紛其傍曾元
居混迹隨耕耘亦有顯仕者遠去忘榆枌長吏類俗流但

識期會勤葺治禁樵采此事今無聞堂堂中興烈士而
德文嗣胎偃月姦窺魄炎海氛淒涼樽車還倉卒書疏焚
誰知尉職卑乃能杜使君蒼天佑賢俊微爾幾空羣興懷
慨前事空山黯愁雲城陽骨安在唾罵奚足云騎箕儼天
上千載彌清芬

九日偕友登東巖定香寺

元 周 權

茲巖何穹窿迥出塵壤隘當時補天餘偶墮靈鼉背神丁
挾奇功塞此滄溟滙翠濤化千峰尚作掀舞態色連空宇
高氣薄坤輿大紺廬切層雲粲然金銀界猶封開闢土
曠無斬薙至今絕頂泉下迸萬丈內陰陽互轆轤造化自

根蒂崖壁鑿靈境洞壑藁寒籟旁開一罅峽天影落青黛
陰嵐灑晴雪夏練結幽晦石門聳峩峩屹若劒門勢在昔
乾符間綠林肆凶厲託茲保遺黎殘石猶紀載憑高達遐
觀訪古起餘慨盪胸瀉河漢散髮沐沆漑煩襟忽如遺舉
步寄一快攜朋作重九秋高崖菊細濁醪豔華觴浩唱發
雄邁反身下天磴百盤經險怪日眩神蕭森令風蕩歸袂
人生諒逍遙歲月豈予貸吁嗟謝公履去此遺勝槩回首
山蒼蒼夕鐘渺雲際

華蓋山

元許謙

羣山如斗形華蓋氣獨壯奮身地勢高極目天宇曠周旋
萬象於一一來獻狀中江漾孤嶼瀕海橫疊嶂樓臺市
居俱列相背向烈風攬蒼林落日鳴白浪蜃氣薄浮雲溟
濛杳東望長濠浸寒水短楫起漁唱同遊豈特達竟爾忘
得喪山下出蒙泉夷坐待清漲一掬襟懷空自詔羲皇上

蘭亭

元余闕

奉節過東鄙總轡臨越墟覽此崇山阿亭樹猶存餘陽林
積珍木禊館疏鏤渠微風旋輕瀨宛委寫成書秋涉霜露
滋清商滿縣隅紅蓮凋綺蘂微瀾見羅綺芳泛羽觴賦
聽良有娛逍遙大化內豈必三月初

過馮公嶺

元陳高

絕壁倚霄漢千峰勢如馳何年五丁士鑿石造
不可上髮髯登峨眉白石齒我足霜風吹我衣前途政迢
遞我已筋力疲寒花道旁開幽鳥林間啼彷徨俯自慰少
憇日已西浮生浪奔走困踣胡爾爲他年履坦道慎弗忘
嶮巖

發岷縣

元陳高

行役苦晝熱戒程當夜闌睡覺呼僕夫出門終漫漫明月
照人影疎星挂樹間流螢點衣袂零露濕巾冠朝遠刻
水俄入新昌山屬茲干戈際愈覺行路難愧無經世策何
以濟國艱悒悒抱遠思綿綿起憂端東風忽已白

間關前嶮石嶺峻峭然發長嘆

公署望鳳凰山

元陳三基

秋氣日以佳微雲不成雨青山天際來與我爲賓主飛龍
及舞鳳突兀在庭戶須臾霧靄收草樹叅差數審予麋鹿
姿詎意嬰圭組蹙縮非天真驅馳漫塵土偶坐屬無喧晴
容湛空宇欲去復踟躕此意誰當與

六客亭分題送趙季文知事湖州

元楊維禎

秋水城下碧秋山城上青水晶出宮闕雲氣列車輶風流
五馬貴六客聯華星美酒來東林朱果取洞庭奇畫掃寒
蕩妍辭約浮萍焉知後不繼高堂葺殘扁送子河風道賓

鴻集修翎官奴重秉燭汎筆懷蘇亭

汎舟黃額湖望梅山

元張憲

汎舟黃額湖望見梅仙山嵯峨結寶髻晶森浮銀灣長風
蕩青蘋雪浪相飛翻魚龍現怪誕水怒山自閉詎知神靈
意杳在虛無間緬思學仙尉一去何時還幽姿不可見高
風逸難攀落日動簫鼓把酒酬潺湲

望江郎石

元王逢

仲春天氣佳萬象欣改色我行六峰外遙見江南石二儀
闢混沌牽牛委晶魄鼎列台輔姿玉蘊圭璋德三神浮瀛
海噴薄東一極巨鼇因戴之仙宮晃金碧斯連厚坤軸乃

度域直上青蓮花或隕樵舍側安知非異境自與三
神敵於時攬深秀雲霧忽巾霧微風稍飄飄空翠疑亂滴
雜英敷陽豔嘉木生午寂交交黃鳥音好在千丈壁二年
思晤對百里今咫尺煙波動落照道路陰已夕尚戀女媧
功躊躇望西北

王節婦詩

元高明

清清慈溪水蘋藻被涯涘昔年修婦職承蘋薦明祀殷勤
執豆籩齋肅事君子一朝雙駕怒別離隔生死死者無還
期生者當同歸奈何姑嫜老重以膝下兒升堂奉甘脆箚
鐙訓書詩庶以未亡人慰彼泉下思溪水波可竭妾身不

改節溪水有停污妾心但明潔榮榮者臺鏡元髮今已雪
孤鸞雖不舞寒影自澄澈溪水常流東餘波總相從結髮
爲夫婦永別何由逢青山有元寂百歲須當同願言合歡
樹化作壠上松蔦蘿更纏綿相依無終窮

自衢州至蘭溪

明 劉基

秋郊斂微雨霽色澄人心振策率廣路逍遙散煩襟疎煙
帶平原薄雲去高岑湛湛水凝碧離離稻垂金薺麥霜始
秀元蟬寒更吟幽懷耿虛寂好景自相尋心契清川流日
玩嘉樹林歌傳滄浪調曲繼白雪音仙山在咫尺早晚期
登臨

楊貞婦王氏詩

明 貝瓊

王靜安天台金沙里女年十七歸同邑楊伯瑞伯瑞爲
樞密院斷事官未幾死於兵靜安守節權貴爭求之斷
髮自剄余讀其傳而悲之爲賦四章

石上有琅玕孤生何猗猗婉彼深閨秀笑語閒且儀榮華
諒未晚芳潔常自持玉鏡一朝委相求豈無媒
冰泮當時歸遙峰翠新拂行行別父母遠居君子室君子
宮已崇新歡鼓琴瑟如何事前驅中道永相失
東家有宋玉西家有王昌皆知慕明豔詎忍隳人綱露多
焉能污江永不可方貞心耀白日峻節厲秋霜

東坡詩集卷之二十二
九
泣淚欲成河捐軀遂如墓寧全陌上花誓比山頭樹織綺
獻秋功條桑事春務向非厄強暴豈知今日固

剡源九曲

明 陳秀民

欲知溪流長百轉來越嶠舟行安能極嵐路入斜照清景
不足娛昔人豈辭詔石硯久誰磨空林閉遺廟

殿中初未仕高節振衰謝讀書在茲邱蕭然竹間舍王來
有涂言留宿山水夜誰云南陽翁獨在將軍駕

山折水暫旋山開水仍往東陂滙初成秋色瀾然廣碧蘿
花茸茸月映石壁上何時試沿洄一理煙中舫

密篠覆碕岸石穴黝而深居人負薪歸駐聽風水音回看
蓮花峰靄靄生夕陰不有僧鐘來高路誰能尋

石洞篝火入石室敷床居白雲開層巖上有丹霞書神仙
不遠人但使粗穢除何必瀛洲外外荒問巖車

危梁渡清瀨逶迤入前渚犬鳴樹家籠烟景暗虛聚雨中
耕叟歌月下歸人語欲尋仙仙一茅宇

清暉汎悠悠東與班溪合菱葉間荷花風來秋颯颯久行
愁寂寞忽有人烟雜我欲發棹謳漁郎肯相答

俗駕不可到有地嶼中小廻迴別澗通宛宛連岡繞人家
陵谷暗不見旭光曉東作起炊藜惟應候啼鳥

入江水稍決霜降未可涉頗聞往來人出門卽舟楫前飛

驚鷺遠下飲垂桼拋何處問與公以赤棠葉

夜抵江上候船至始知青
明 高 啟

夜辭西陵館霜吞時旅散津卒未具舟天險不可越漁商
雜候渡寒立沙上月蒼烟隱遙汀益覺潮漲濶開橈散鷺
鳧海色曙初發躑躅前山來稍稍後嶺沒中流聞鼓角隔
岸見城闕客路得奇觀臨風問俱歸

宿湯氏江樓夜起觀潮
明 高 啟

舟師夜驚呼隔浦亂燈集潮聲若萬騎怒奪海門入初來
聽猶遠忽過睇無及震搖高山動噴灑明月濕霜風助翻
江蛟龍苦難螫應知陰陽氣來往此呼吸登樓覺神壯憑
險方迴立何處望靈旂煙中去波急

早過南湖
明 高 啟

湖黑月未出蒹葭露淒淒榜人識浦溆不畏荒煙迷殘夢
詎可續舟搖櫓聲齊開蓬望天邊斗柄插水低津遙未見
樹邨近纔聞雞自嗟遠遊人中宵走東西不如沙頭雁宛
頸猶安棲

春初遊戴山
明 張 羽

雲羅橫四海田野無遺英尚賴二三子共怡山水情煦煦
新陽動寥寥天宇清昔人稱四美茲晨遂成并前登高印
阻遙睇澄湖明憑林招遠風松檜自成聲俛仰天地間微

驅良不輕安能自羈束坐使衆累縈處賤足爲貴抱素詎
非榮逍遙解神慮庶以適吾生

白蘋洲

明張羽

層城鬱迢迢長溪貫雙流喧然闐闐中乃有白蘋洲茲晨
杖策往秀色散我憂宵渺蛟龍窟澄明鷗鷺秋開花照白
日接葉暗漁舟涼風起其末客衣薄颼颼我欲攜童稚具
此雙釣鉤高歌綠水曲散髮洲上頭安能隨世人負我平
生遊

尹明府吳越兩山亭

明徐賁

長江接海門一水限吳越兩山鬱相對峰巒各羅列勁勢
爭吐吞蒸嵐互出沒尹君好遊觀結亭山水窟闢于出
巔細路縈百折崩石絡垂藤老樹著棲鶴平生登臨興盡
爲山水發不知蒼蒼入此地幾征伐至今兩山雲來往似
奔突嗟余歷江海所歷多奇絕何當去斯亭長歌弔遺烈

張氏白石山房詩

明詹同

浦江有名山白石如積雪玉氣亘中天龍湫無六月於茲
隱君子結屋依翠微讀書日平樹看泉風滿衣誰謂野鶴
姿從心自飲啄一落樊籠間清夢繞巖壑豈不念白石好
五色紋獻之補天手歸臥山中雲

白野太守游賀監故居得水字

明錢宰

東仙游記
崇岡散新陽寒日舒短晷晴曦披拂波影上沙尾意行
送忘疲情語相慰喜賜宅知已非歸舟更誰艤樹暗山始
夕川明月初起停杯成慨歎竟句聊徙倚前林樵唱來驚
鴻下寒水

題吳山伍子胥廟

明解縉

朝驅下越坂夕飯當吳門停車弔古跡靄靄林烟昏青山
海上來勢若游龍奔星臨斗牛域氣與東南吞九折排怒
濤壯哉天地根落日見海色長風捲浮雲山椒載遺祠興
廢今猶存香殘弔木客樹古啼清猿我來久沈抱重此英
烈况吁嗟屬鏤鋒置爾國士寃我我姑蘇臺荆棘墮

深宮麋鹿遊此事誰能論因之毛髮豎落葉秋紛紛

望南屏山

明藍仁

游目南屏山逍遙稅塵鞅清溪亂流涉疊巘綠雲上輝輝
瀑泉落隱隱天籟響荒途理通塞虛室靜弘敞中有餐霞
人長聆御風想不乘緱嶺崔還顧漁郎舫芝草甘若飴雕
胡大盈掌雖爲頽齡駐亦忌流光往承懷山中遊觀化歷
清賞

發雙溪

明李暉

我我金華城行李何淹留閏十月初吉始能具扁舟輝輝
晴旭升莽莽寒烟收篙師戒晨發浩嘯當中流揮手謝送

者此行實夷猶昔為山林居今作江海游撫心媿麋鹿放
跡同鳧鷖丈夫既許國生理焉得謀功成纔拂衣庶以追
前修

錦屏

明 陳 約

赤城多奇峰錦屏亦殊勝不知何仙人遺蹟在幽徑松霏
灑石床竹雪墮風磴徘徊對巖花忽送一聲磬

始得東洞遂改為陽明小洞天

明 王守仁

童僕自相語洞居頗不惡人力免結構天巧謝雕鑿清泉
傍厨下翠霧還成幕我輩日嬉偃主人自愉樂雖無
榮且遠塵囂聒但恐霜雪凝雲深衣絮薄

我聞莞爾笑周慮愧爾言上古處巢窟

陽內伏石穴多冬暄豹隱文始澤龍畫身乃存真
檄輕裘吾不溫邈矣簞瓢于此心期與論

秋夜同紫峽逸士雪江老僧輩十人宿南屏山中分

韻賦詩余得夕字

明 孫一元

荒翠散不收殘山帶暹碧林鴉晚依依草雉時隔隔斜光
明不定居人掩荆柵揭來喜盍簪林下語幽斷屋燈火
青野蔬旋新摘豈無伏虎禪亦有飛鳧客愛此小崑邱人
世白雲隔願當抱奇幽炯言永終夕

發郡城之天台道中述所經覽

明 皇甫孝

夕夢層城阿曉行蒼波上縈溪復舍流連岑時隱嶂風滿
信千轉雲峰非一狀錦繡紛迎翫氤氳忽彌望蘭泉芬可
掬苔壁險難傍思偕同懷子攜手追禽尚

桐巖曉發

明 皇甫湜

厲澗越南岑拂霧趨東土宿處惟蒼烟遙天徑如縷林光
黯鳥散海氣寒雲聚惻勞感婦嘆搖搖涉春雨

遊天竺寺有懷謝康樂

明 李奎

秋光淡巖岫入谷聞晨鐘白雲嵌紫芝峰朶開芙蓉林香
盡自結夾道羅長松沙廣草煙薄溪深花露濃
鷲咒潭降毒龍闕禽互交語道侶時相從久矣

人蹤

心禮金容精廬隱暮色蔬食修珍饈還憩崖亭上永懷高

過臯亭龍居灣宿永慶禪院同一濂澄心恒可諸上

人步月二首

明 李流芳

歸裝出西湖間道向黃鶴

黃鶴峰為臯亭最高處

屢愆桐塢期偶遂

龍居諾

桐塢為慧文法師結廬處在臯亭之西

輕舟凌晨風遙山滿晴郭丹

林尚可數寒條紛無托

披松指微徑聽水捫暗壑新構爭遠勢平臺攬搖落霜餘
山容淺天清海氣薄斲欲塵勞心始信寂滅樂

天台山中

明 吳鼎芳

白雲伴衾宿開戶雲飛去出戶尋白雲蒼厓濕芒屨峰頭
異域僧洞口先朝樹流水帶餘花從來不知處

遊五泄五首 各有序

明 陶望齡

青口

從諸暨縣行五十里皆山中然勢散緩行者頗疲怠將
至青口前有巖嶄然出雲間客望見皆喜心踊欲趨比
至山忽轉面截去路純若無罅竝崖行半里許溪澎然
鳴隔溪迺覺有門竇涉而入如行委巷中矣兩山離立

武輒一涉山純石峰粵皆傾欹聳特各各

取態或如廩囤或窪如堂或如案上果... 山將有神人斬其脊而中開即石壁上躑躅盛開紅紫
... 詩云然

龍子為龍時陽精洞印谷神行物無礙摧山如剖竹青口
當其塗長巒勢奔蹙若萬羽林分行遊黃屋祇今苔蘚
壁即是羣山腹天空墮石罅雷與斷雲足鬼斧一以剗神
鞭驅不續躑躅花其巔聊舒遊者目

第五泄

五泄之名以瀑水勝然山徑固已奇絕矣入青口十里

力參新工通志

藝文十四

卷

東晉書 卷一百一十三
至五泄寺寺右緣溪崩施而上復折遂至瀑布所水懸
可千尺石壁如削左右環擁映水益壯不知視匡廬雁
蕩何如也然聲勢震蕩口啗日旋神魄失守亦雄偉奇
特之觀題名於壁曰萬曆丁酉三月廿日公安袁宏道
歙方文傑山陰王贊化會稽陶望齡商齡同遊

白蜺飲晴壑一飲萬人鼓腥風噴涎沫下有神龍府傾崖
與廻薄籟石佐虺怒千里骨立山洗濯無撮土遙源杳何
處落地名第五客來泉亦喜舞作千溪雨赤脚立雨中衣
沾鬚崖樹廿年成始至重遊在何許憑君鐵錐書一破蒼
苔古

白龍井

五泄有二龍井黑龍井卽第五泄下石潭白龍井在寺
南五六里許穿谷中而入大抵如青口道也而兩壁加
隘巖巒加巧溪加駛石門石困石果罩皆具而加巨轉
折變換不可名狀稍進云已是寺前案山背似非人世
行客相顧恍然而已時日漸曛幽峭可畏不至龍井而
還

招提萬山裡門與蒼厓對嘗聞白龍井窈出清溪外沿洄
未覺遠忽抵前山背半壁仙屋深廻峰洞門礙奇巒互傾
吳飛溜各形態厓松老將化石筍看來大盤谷戴土耕寒

東坡志林卷之三十三
苗接流漑溪幽生晚畏逕轉添新愛已謂人境窮驀與村
翁會息肩支短策洗足坐鳴瀨但見元髮垂安能辨年輩
因知雲霧間神仙宛焉在

第一泄

宋景濂記云諸泄惟第四級不可至或以絢圍腰繫巨
棧俯而瞰其取道蓋從嶺上下耳僧言山下有細路緣
厓可上則四泄皆可至也時方雨險滑不可置足褰裳
從之從者多諫罷歸寺詰朝步上響鐵嶺從山腰得斜
徑攀挽而行臨其巔望之四瀑皆宛宛可見夫匡廬雁
蕩一級水耳猶得名况五泄耶

山雨無崇朝青苔助巖險四泄安可求山僧只指點興來
身命微危磴幾欲犯童僕進苦規同游亦譏砭慮深膽易
惴計阻心竟歉勝事忽若吞清眠夢如魘辰餐動歸策臨
瞰勢已儼蘿葛疲攀緣荆榛費誅斬蹈石愁足跌蹲泥任
衣染下望五白龍遙遙鏡騰閃

紫閭

泄之水百仞五之意是天上落也從響鐵嶺而登至絕
頂謂便當下乃忽見平疇長林桑竹翳翳溝塍組織水
皆安流審之卽墮而爲泄者地名紫閭民居頗稠或至
巨富四望緬然平遠亦更有羣峰環之上山卽富陽縣

東晉書 卷一百一十二
界予與客皆言兩縣地勢高下遽如此復不謂是止頂
行十里忽復下走如一二里始至地由此言之安知今
所謂大地者非處於孤峰絕頂乎

一瀑懸百仞五瀑布到地每緣嵐霧開略想峰頭翠卽此
料泉源應從白雲墜攀藤漸躋陟屢息始能詣誰謂孤峭
中忽有桃源事鷄犬散邨落竹木成位置連疇溪女桑卓
午樵人市向來五瀑布平流若溝隧十里方下山人家在
天際

山陰道上

明 袁宏道

錢塘艷若花山陰萃如草六朝以上人不聞西湖好平生
之歸愛山陰道彼此俱清奇輸他得名早

弔曹娥

明 倪元璐

浪影日夜翻一翻一酸楚丹眼認碑氣神童而貌古龜汗
洗稻文蟲口箋痛譜健哉十四姝歷走天吳府今看江面
恣浮漚瘦於黍昔聞呈秀格雙屍繡怒浦神人相媚時波
心五月五盱有技絕偷媚神以妙舞神何以報之媚盱以
死女不由盱有女那知娥有父一浪使盱俎一浪使娥腐
誰知死娥處不是生娥所茫茫忠孝魂入水卽水主近從
背江頭割來潮一縷一衣帶水耳翻出奇如許

初入剡中

明 陳子龍

夙昔耽奇異久負名山期詎意肅於役心賞獲在茲高峰
臺遙巘曲徑沿廻溪沉沉迷積翠靄靄含輕暉洩雲岫時
沒急雨灑屢移青蘿被修坂絳樹灼陰崖廻互見別趣登
降各異姿碩人昔考卜荒途恒若斯心跡旣杳冥衡宇亦
參差抗懷感人代尚志徵前規終焉協要妙遲暮良可悲

曉發諸暨大霧不見芋蘿

明 陳子龍

長山旣西廻浣江亦東注凌晨理驂服出閭遵軌路初暘
失清暉寒郊無榮樹瀾瀾塞虛寥漫漫混蒼素平川蒸亂
雲宿莽凝瀼露我思傾城人綺羅如可遇芳懷耿不明紅
顏向烟霧綠流號無津躡磴渺難度越客心悠悠

歲暮

國朝

泛舟至雷峰步登南屏絕頂下憩淨慈寺

袁啟旭

輕煙曩素波花明見微磴
艤櫂柳巷陰遂躋層巒勝
浮圖積古色石竹隱凌兢
山風何飄飄吹袂上蘿徑
苔蘚重逾膩松柏森猶勁
峰回萬象開水迴孤霞映
紺宇嵌空冥精藍窈深靄
一卽着扁幽便滌塵襟淨
邈然人代感緬想真如境
浮生胡攘攘至理誰復證
安排在巖樓朝昏永游泳

東仙游記卷之二
循煙霞洞下嶺至石屋洞

袁啟旭

晨興涉亂山亭午憇修畛巖高哀狖吟樹密春禽隱
交藤路漸披獨鶴徑徐引石竇闕元冥巨霧吞真境
開鑿自何年潛虬遞虛牝海氣通平遠寒煙錮深迴
雕鏤非一壑險仄有孤嶺仙室越陰涼人世異朝冥
渴欲漱乳泉饑將摘松菌於此託賞心無勞慕張邴

自大嶺嶺上二十里至福泉精舍

李鄴嗣

舍舟上樵徑晴眺分纖毫循塗凡屢盤獲奇隨所適
崩崖露雲根長風勢漸饗諸巒徐束體始識身已高
迥雨忽足下髮上天氣交在輿尚苦疲何況居者勞

首虐乘人車筋力嗟爾曹斗上復稍垂豁然闢林坳
老松得成鱗巖土抽春毛梵僧構幽棲人龍同一巢
入門氣得蘇豆筍羅山庖到此慚浮名徒爲猿鳥嘲
我何不徑然將家住藤稍

寓山夜遊作

宋徵輿

清酒泛玉尊繁燈耀幽館月華流雲中前堦素輝滿
主人啟名山客子不辭遠揚舟駭潛魚入林走棲颺
白雲湛深池明水照修阪陟逕無遐蹊聿憑千仞巘
閣際星影疎林間露光泣萬里攬碧煙冷然御風善
遙聞荒雞鳴始悟歸志晚嗟此秉燭遊悵彼秋夜短

寄萬開來永嘉

王士正

昔有謫仙人清風照寥廓文采映江表翺翔出東洛
遂渡永嘉來言尋謝康樂康樂不復有但存謝公巖
赤霞自照耀綠水猶潺湲放懷山水外跛脚天地間
開元儵千載斯人杳難攀萬公具仙骨妙筆餘清妍
昔者東萊城忻憤吟三山至今海上鷗猶思使君賢
傳聞去金陵秋江正澄清過江富文流盡識使君名
牙檣朱絲絳鹿子趁風汝送君石頭城去作永嘉客
永嘉何菁葱疊嶂入晴空龍湫落千丈海日亂蒼紅
雁蕩七十曲曲曲盡瓌瓏容裔玉甌雲搖曳吹臺風

齋閣倚青壁秋香金桂叢風物固洵美定復思謝李
把酒問前賢主賓更相似吾家陸士衡公門稱國士
玩世誠疎狂高義託君子自公南渡後結襪風逸矣
長謠寫心胸遠寄東甌水

送湯荆峴侍講于赤山禮部使浙江 王士正

我愛西子湖夙昔夢見之湖光與山綠樂事輸吳兒
譬客談江瑤未免思朶頤聞君往東南起舞軒兩眉
綠蒲十幅帆西風美滿吹初下南徐州三山已麗崎
行行過震澤萬頃青玻璃夜航到臨安高枕殊未知
新筍晚花過橘綠橙黃時湖水雄鴨頭綠淨相參差

掩映湖上山影娥照清池錢唐八月潮詭異天下奇
疾雷震百里蛟龍競躩踣潮頭坐靈胥重水汨後隨
三千殼強弩射潮勝雄師至今擊西陵鐵幢高以危
醜酒臨樟亭江海爲東馳壯觀今古無寄之於聲詩
歌送潞河船郵籤報畫旗

南屏精舍

龔翔麟

東風西子湖鱗鱗綠於釀吳儂刺釣船拏煙闖肥浪
樹杪見孤塔移船埠頭傍蠟屨縛兩脚扶篙雁齒上
跬步到寺門花宇十層壯我尋南渡蹟圓照井無恙
井南有細路黃犬吠深巷沉沉松插雲戛戛竹鳴嶂

踽踽未半里丈室牖南向背不繪粉垣依山作屏
米囊花滿街春殘萼未放書幌借地停吟飲雨無妨
鄉僧亦解事汲泉挑筍餉指點慧日峰引我試畫杖
側眺錦軍城紅埃卷蹄輔何如事幽探寄情得遐曠

懷西湖次東坡原韻

宋 肇

西湖東南美遊眺多高賢白蘇兩寓公領畧得其全
繫余愛山水出郭疾病捐譬如蜂就蜜所性良由天
盤山與廬阜入手自往年西湖咫尺耳徒聞好事傳
今夏六月中緬想荷花鮮秋憐湖上峰娟秀縈雲烟
何待段橋畔桃柳爭芳妍晴空每矯首清夜或廢眠

東坡先生詩集卷之三十一
三十一
幾日冷泉亭佳茗手自煎一枝老藤杖須趁腰腳便
勝地如勝友堪結歲暮綠鴨箭船易買已辦囊中錢
扈

蹕西湖紀事

宋 犖

平生慕西湖聞說便神王吳越咫尺耳七載勞悵望
何意奉

宸遊夙懷得一暢朝出湧金門耳目忽清曠水潑葡萄醅
山矗翡翠障白蘇勾留處西子譬允當追隨豹尾間
未敢策筇杖

聖情厪民依物外聊探訪

御墨灑湖亭勾陳入雲嶂

召許侍從臣小憇就畫舫亭午獨徘徊迢遞聞漁唱六橋
宛沿緣兩峰屹相向指點從山僧脫帽迴堤上瞻拜
武科墳酌酒發悲愴還過冷泉亭兀坐茶烟颺奇峰
真飛來鶴嘆莫能狀勝地難久停歸趁湖波漲道人
索題詩留待後來償殘陽挂斷塔古色落橫榜薄暮
趨

行宮翫佩依仙仗

西湖

王鵬緒

夙聞西湖名直比西施面薄宦阻勝遊夢寐思一見

今朝扈

蹕來天假人之便清晨出城闌全湖淨如練周圍三十里
中流聳樓殿春風駕畫橈波紋劃深澁十景烟篙重
六橋桃柳絢山長利影明水澗花光眩何石不鸞鶯
何溪不珠睨吾觀西北山無水乏婉變載觀東南水
無山寡峭嶺山與水相涵固維此盡善乾坤毓奇秀
乃萃吳越甸况兼白與蘇風流昔所擅遺蹟至今存
好事爭修繕人來勝地清女競春時倩珠簾帶詩筒
畫舫飄歌扇撥雲或獨往拾翠還攜串是處可停觴
小憩亦花院盡日無歸情相看曾不厭素懷聊足酬

幽賞顧未徧明朝發前途數月有餘戀

吾邑於前明宣德年間析自鹽官古蹟無可稽考偶
閱宋人括異志有數則近古者各系以詩附於邑乘
之末

陸世楷

當湖

志云南北十二里東西六里東北湖港直通太湖今湖日淺土日增矣

陵谷常變遷傳聞今昔異陸沉自何年昏墊誰復記

民居漸以稠蛟龍亦知避豈有靈物存銀鑄尚拘繫

志云漁者獲一鐵鏈長不計枚由山郭俯澄湖邊堤

蒲幾覆隴而棄之或云繫於此互葱翠濃淡分畫屏海上峰十二春風展輕舟晨夕

雜歌吹左瞻梵刹雄右顧園亭麗柳岸與花田在在

恣游戲孤城浮水濱毋乃迫危地廣袤非舊觀襟帶
渺焉寄桑田跡未埋井木久淪棄寸壤及尺波咸資
巨室利芳洲名偶同高樓日陵替休誇作賦才能言
衆所忌

金山忠烈王漢博陸侯廟

志云建
炎間建

煌煌博陸侯廟食自漢世椒房寵已移麟閣跡未替
豈同若敖餒而享非其祭廓然天壤間正氣日蟠際
茲方偶鑒觀於時特憑契睠茲東海隅萑葦歲棄地
大澤多龍蛇驕陵恣爲厲驅除奮神威企湯萬家庇
行宮啟湖濱雲旗遠來賁縱橫征伐年徃徃著靈異

嘉靖倭亂
時陰助守城

嶽降遡清和祈賽紛焉至赳赳部曲雄

懔懔稟祭侍英風儼在茲過者尚送刺

白沃史君廟

水患方滔天四望鮮高阜史君何神術躍馬東南走
揮鞭使倒流蛟螭遂弭首邱原乃可依厥民安井曰
園廬漸以完村村徧花柳微君我已魚遺恩頌耆耇
白屋煥朱扉棖筵崇不朽旱澇輒有所茂時薦椒酒
叢祠滿寰區文繡被土偶稽古洵足徵德馨庶能久
捍患與禦災豐碑在人口鼎據雄三方孰爲龍虎狗

志云史君兄弟三人一在
沙腰一在乍浦一在白沃

齊景鄉

北海去南海悠悠幾千里古云風馬牛越國遠鄰
不聞勾吳鄉親辱齊侯趾鄉以景公名易由辨其始
千駟民莫稱二桃士為死功德媿生前沒世誰崇祀
巋然青墩傍古廟丹青峙思昔戰艾陵薦食憂封豕
未覩越溪來終抱齊門耻牛山收淚餘魂魄寧留此
野語訪齊東遵海漫無紀三老泥前聞娓娓談孟子

陳山龍母塚

志云每歲七月風
雨人謂龍洗墓

誕降有嘉徵夢中龍據腹奈何神靈物戕母以自有
崔巍陳山巔有墓世其木青峰繞佳城幽官協天下

圻塌卽飛騰於毛豈有屬猶念鞠我恩歲歲來洗

一泓侍巾餅孝思常在日安得瀉飛泉分流遍巖谷

海濱多逸民策杖訪林麓咄咄駭異聞兩石自相觸

石如雀鼠穿而不損牆屋

志云廟後觀音菴忽有雨
石半山圍墜而下一從殿

後壁滾入一壁殿
之西屋瓦無所損昭昭龍之靈磊磊石之族動靜理

固然幻態驚反覆君子道其常龍潛而虎伏

宿韜光山房

潘耒

招提宅山巔而有清泉瀉濤聲亂陰晴瀑勢無冬夏
殿門俯層巒萬象森在下湖帆曳林空海日升巖罅
我來歲已晚楓菊猶未謝白石淨可餐流雲駛堪駕

浮生如窻塵幾人得休暇遇坎且當止茅齋倘相借
杭州水利不治者累百年矣巡撫趙公考城河故道
悉濬治之鄉人來述喜而作詩凡二十四韻

朱彝尊

武林古澤國十八澗九溪當年宋宮闕溝水流東西
陳迹漸已湮深谷皆成蹊民居日湫隘編竹兼芑蒻
猛火一燎原悲燄百室迷途徹大小屋縞井愁難躋
女丁配夫王相顧但愴悽吏治徇目前孰能防禍梯
中丞汾世才利器剝水庫下車命丞倅故道資考稽
率錢具畚鍤曾不煩鉏犁經始底告成歲序尚未

坐令闌閔間無異蘇白堤紅闌雁齒列赤石羊肝割
嘔啞小航船蹀躞快馬蹄停鞭市蓮藕倚檻來鳧鷖
柳陰穀犬鳴露脚莎雞啼祝融迴其馭婦子方安栖
乃知濟時策不在拯頽隤公之治水術豈獨過白圭
泉清原隰平名與召伯齊我家由拳城閭巷多蒿藜
願公祛墨吏如決濁水泥上以答

天子下以寧羣黎

桐廬雨泊

朱彝尊

桐江生薄寒急雨晚淋漓炊煙起山家化作雲覆屋
居人寂無喧一氣沉嶺腹白鷺忽飛翻讓我沙際宿

南山雜詠十四首

朱彝尊

蒼天入夏寒一泉自溫谷其流浸蘭蕙其音喻琴筑

砉然石扇開飛出白蝙蝠

水樂洞

山泉可用汲酌以長頸匏虎跡久已湮深穴猶窅窕

松陰轉三面未肯回鞦韆

虎跑泉

澀磴上招提不知幾十級入厨覓泉枯過雨佛身濕

石乳滴空嵌髣髴龍象泣

烟霞寺

一亭四無鄰棟壞柱已折山僧慣迎賓不忍過溪別

偶語莎草間夕曛信明滅

過溪亭

我行楊梅塢惜是孟夏初是時果未熟但見柯葉舒

思包綠荷飯五月來精廬

楊梅塢

一泓停山坳過者不敢唾雖然龍窟宅亦許鬪茶坐

起摹襄陽碑惜為僧所澆

龍井

峰頭石縹緲豈異一片雲有時風雨過獨立雲中君

安得五丁手移置長水濱

片雲石

榻來給孤園玩此薩埵石石上生莓苔千年葦濃碧

不見飮虎人且鋪苳草席

薩埵石

溪迴凡幾折早已滌塵慮靜看三樹松深陰且箕踞

客去鶴飛來客來鶴飛去

納翠山房

尋遍十五寺九溪鳴淙淙下無一寸魚上有百尺松

緣流思濯足奈此萋萋草

九溪

暮經南山南出澗一十八山橋往而復山路塊兮北

夕曛漸催人延首望香刹

十八澗

句曲一道士愛住山之幽褰裳慮深涉賣彼白玉鉤

築橋訪詩侶茲事宜千秋

玉鈞橋

巖巖翁家山松花滿深塢村民高下居少長齊捕虎

但誇弓弩強不識耕穰苦

翁家山

佳樹花不實何年種山椒長出山中人歲暮不自聊

殷勤與我期秋日來迢迢

杜塢

晚過寶林山寺

朱彝尊

春風從何來吹彼芳樹枝客心坐惆悵日夕千里思

出門異南北獨往任所之眷言登茲山已見西日馳

羣峰趨戶外出没成參差置身空濛間恍忽飛來時

向下聽雞犬極視窮高卑沉沉西林路光闇從此辭

回瞻白雲合林外鐘聲遲

雨中遊飛英寺

查慎行

春陰覆城堞花淺游人稀愛此北郭幽晨征夕忘歸

盤旋上窳渚恣眼窮清暉東風拂面寒細雨濕我衣

客來僧啟鑰客去僧掩扉跡在存送迎心空無是非

登道場山

查慎行

船迴浦淑淺徑轉村塢小不覺坡陀高騰身萬松杪
菽城浸藪澤白塔巉雲表浮氣盪一州湖波白渺渺
天長接遙翠目極青未了漸上伏虎關羣峰忽環繞
清颺吹戶牖古殿深且窈脉絡引檻泉淳泓漚池沼
長廊百餘步旁入逾幽悄蒼鼠竄別枝投空攫啼鳥
巋然翠微閣中敞外見少野火不到山蒼蔚復誰燎
坐令杉桂材蒙茸委蓬蓼飛蟲晝轟聚高蔓晴天矯
老僧守空庖恐作山中殍軍持乞米出厭寂喜膠擾
我來久徘徊愛此吟風篠春深花澹澹日暮雲嫋嫋
餘暉帶疎鐘詩境墮空杳古今一大夢回首失昏曉

晚抵高陽山麓上九曲磴投雲岫菴 查慎行

到山路疑窮壁立青巘屹松陰十二轉一上一改觀
忽聞雁叫風側背來高寒夕陽墮西陸返景飛彈丸
聞寂禪者居地偈天形寬鐘聲落海外列宿棲巖端
老僧笑迎門藹若平生歡謂言登陟險知我步履艱
汲泉爲烹茶拂床與安單蕭然一行脚只作道侶看
還珠亭 吳興張母史孺人孝廉映斗之母也有章姬者以鬻珠往來母家醉遺美珠而去數日不至呼來還之姬泣謝如更生母終身弗言及歿姬年八十餘匍匐來葬所口述其事聞者嘆異焉孝廉葺丙舍爲亭仁和沈都憲近思榜曰還珠余爲作詩 吳 襄
吳興有賢媛禮法樹矜式論定揭大端卓哉無苟得



解一 閭姬鬻百琲醉墮紅羅襦不貪為我寶胸中自有

珠解二經由雖已忘什襲固能審還爾性命資勗以勿

崇飲解三流年女宗謝執紼親朋來嫗年過八十雪涕

銜餘哀解四嫗且弗復哀賢媛未曾沒不見還帶橋古

藤縛碑碣解五



勅修浙江通志卷二百七十二

天祿堂

